

Bien. A. 11. 29

Oico

Biblioteka  
Ojców Kamedułów  
w Bieniszewie

Bien A u 29

S  
CH  
R. &

F

EX

Sene

Co

FR

Apud

SENECA

CHRISTIANUS,

*Pr. Eremit* Id est: *Amal. In pld*  
*Trigree*

FLORES

CHRISTIANI.

EX LUCII ANNÆI

Senecæ Epistolis collecti,

& in 38 Capita

digesti.

*Ex Libr.*



*H. H. S.*  
*Om*

FRANCOFVRTI AD  
MOENVM

Apud JOH. MICHAELEM  
POLICHIVM.

---


Anno 1687.



A  
D

res  
Phil  
mni  
diu  
versa  
incri  
quibu  
spar  
capit

7



PRÆFATIO.

*Amice Lector salve.*

**D**uo sunt, quæ te scire  
 pervelim. Primum  
 est: Epistolarum Flo-  
 res Lucii Annæi Senecæ,  
 Philosophi Politicorum o-  
 mnium facilè Principis, jam  
 diu Eruditorum manibus  
 versari, sed eos sine ordine,  
 inscriptione, methodo; ex  
 quibus illustriores sententias  
 sparsim excerptas in certa  
 capita redegimus, iisque no-

*Plucianæ* **A 2** *vam*

vam frontem induximus, unde hoc tibi saccarum propinamus; quicquid verò hic leges (testor meam tuamque Fidem) id totum Senecæ est, quod hisce tribus (ut ajunt) chartis sed laboriosis velut exili myrothecio inclusimus.

Alterum est: Cum Senecam eloquentiâ laudatissimum ac Virtutis studio penè Christianum fuisse priscorum ac Sanctorum Patrum consensus suadeat, a cum primis D. Hieronymi, cujus hic verba annuero: Quem

non.

non p  
Sancto  
stolæ p  
guntur  
Seneca  
lum, in  
ronis n  
poris p  
se dici  
suos, e  
Christi  
num, e  
corona  
Neron  
diæ m  
docum

non ponerem in Catalogo  
Sanctorum, nisi me illæ epi-  
stolæ provocarent, quæ le-  
guntur à plurimis Pauli ad  
Senecam, & Senecæ ad Pau-  
lum, in quibus cùm esset Ne-  
ronis magister & illius tem-  
poris potentissimus, optare  
se dicit, ejus esse loci apud  
suos, cujus sit Paulus apud  
Christianos. Hic ante bien-  
num, quam Petrus & Paulus  
coronarentur martyrio, à  
Nerone interfectus est; divi-  
diæ mihi non erit aurea ejus  
documenta iisdem capiti-

bus insignire, quibus Autho-  
 re Thomae de Kempis Volu-  
 men auro ac cedro dignum  
 de Christi Servatoris nostri  
 Imitatione inscriptum est;  
 quid enim refert rudi simpli-  
 cique stylo, an Romanâ lin-  
 gua verum dicere? è sacra  
 Augustini familiâ an Neronis  
 curiâ balsamum animæ æter-  
 nitatis beatæ capaci instilla-  
 re? è Cæsaris Prætorio an D.  
 Agnetis Cœnobio viam ad  
 Cœlum commonstrare? suis  
 nimirum conchiliis margari-  
 tæ includendæ sunt. Perlege  
 Lector

Lecto  
 tima  
 injuri  
 ac de  
 tæ fr  
 oculu  
 ac pa  
 misq  
 tat; n  
 lubre  
 com  
 eamo  
 scien  
 tur;  
 que  
 tipe

AD LECTOREM.

Lector prima, media, ultima; passim ad tolerantiam injuriarum, sui demissionem ac despicientiam inducit; vitæ fragilis brevitatem ob oculos ponit; ad charitatem ac pacem cum summis infirmisque conservandam invitatur; mortis meditationem salubrem morituris cramben commendat, ad frequentem eamque quotidianam conscientiae discussionem hortatur; ad pauperiem cæterasque corporis asperitates fortipectore exantlandas incitat;


tat; Vitiorum, cum primis  
 autem ventris & gulæ irrita-  
 menta; iracundiæ æstum;  
 avaritiæ sordes; fastum ac  
 philautiam, pessimas morta-  
 lium pestes profligat; rectè ac  
 ordine uti tempore docet,  
 æquabilitatem in secundis  
 juxta ac adversis rebus ser-  
 vandam ostendit: DEUM  
 denique summum animæ  
 bonum ac cœlestem patriam  
 in oculis & animo circumfer-  
 re sollicitè suadet, & ô uti-  
 nam persuadeat. Et fanè in-  
 ter clarissimos hujusce erudi-  
 tioris

A  
 tioris æ  
 non ran  
 factum  
 quod a  
 id ab et  
 tiano p  
 ros relig  
 Cœlum  
 etor

a Linus  
 Hier  
 Aug  
 lib. 6

tioris ævi Scriptores nemo non rarum hoc & eximium factum mirabitur, nimirum quod ascetici nostri solent, id ab ethnico aut penè Christiano philosopho fieri: Viros religione conspicuos ad Cœlum *Manu duci*. Vale Lector, siuere, ac nobis fave.

*a Linus Pontif. passione S. Pauli.  
Hieron. de Scriptorib. Ecclesiast.  
August. ep. 53. ad Macedon. Et  
lib. 6. de Civit. Dei cap. 10.*



S. SENECA  
CHRISTIANUS.

CAPVT I.

*De feruenti emenda-  
tione totius uitae nostrae.*

**Q**uid prodest mare trajice-  
re, & Urbes mutare, ut  
effugias vitia quibus ur-  
geris? non alibi sis oportet, sed  
alius. Quid ad rem pertinet, quos  
locus peregrinus mores habeat?  
tuos adferes, nec enim te melio-  
rem faciet, nec saniozem: Medi-  
cina

SENECA  
cina erg  
Fregit a  
ticulum  
que con  
cum ut  
kata in  
ergo?  
& extor  
tatione  
urgebu  
rum gef  
emenda  
emenda

De

Nulla  
Nimp

*SENECA CHRISTIANVS. 9*

cina ergo quærenda est, non regio.  
Fregit aliquis crus, aut extorsit articulum non vehiculum navemque conscendit, sed advocat Medicum ut fracta pars jungatur, ut luxata in locum reponatur. - Quid ergo? animum tot locis fractum & extortum credis locorum mutatione posse sanari? Tam diu ista urgebunt mala, quam diu malorum gestaveris causas. Te igitur emenda, onera tibi detrahe, & emenda desideria.

*CAPVT II.*

*De amore solitudinis  
& silentii.*

**N**ulla res nos majoribus malis implicat, quam quòd ad ru-

morem componimur. Alienis  
 perimus exemplis, sanabimur, si  
 modò separemur à cœtu. Quid  
 tibi potissimum vitandum existi-  
 mem quæris? Turbam, Argu-  
 mentum pessimi, turba est. Ego  
 certè confiteor imbecillitatem  
 meam; nunquam mores, quos  
 extuli, refero; aliquid ex eo, quod  
 composui, turbatur, aliquid ex  
 his, quæ fugavi, rediit. Inimica  
 est multorum conversatio. Ne-  
 mo non aliquid nobis vitium aut  
 commendat, aut imprimit, aut  
 nescientibus allinit; utique quo  
 major est populus, cui commisce-  
 mur, hoc periculi plus est; ambi-  
 tiosior redeo imò verò inhumana-  
 nior, quia inter homines fui: ne-  
 cesse

esse est,  
 ris, utru  
 est, ne  
 multi fu  
 quia diff  
 teipsum  
 enim &  
 quiescer  
 loqui, pl  
 dam dul  
 & bland  
 ebrietas  
 Ab hom  
 pericul  
 di, nulle  
 tius, nu  
 blandius  
 antequa  
 antequa

esse est, aut imiteris eos, aut ode-  
 ris, utrumque autem devitandum  
 est, ne vel similis malis fias, quia  
 multi sunt, nevé inimicus multis,  
 quia dissimiles sunt. Recede in-  
 teipsum, quantum potes, nihil  
 enim & nihil æquè proderit, quam  
 quiescere, & minimum cum aliis  
 loqui, plurimùm secum. Est quæ-  
 dam dulcedo sermonis, qui irrepit  
 & blanditur, & non aliter, quàm  
 ebrietas aut amor secretum prodit.  
 Ab homine homini quotidianum  
 periculum; adversus hoc te expé-  
 di, nullum enim malum frequen-  
 tius, nullum pertinacius, nullum,  
 blandius. Tempestas minatur,  
 antequam surgat, crepant ædificia,  
 antequam corruant, prænunciat  
 A 7 fumus

fumus incendium, subita est ex homine perniciēs, & eò diligentius tegitur, quò propius accedit. Summa ergo summarum est: tardiloquum te esse jubeo.

## CAPVT III.

*De meditatione mortis.*

**V**ivere in totâ vitâ discendum est, quòd magis mirandum est, in totâ vitâ discendum est mori. Tot maximi Viri relictis omnibus impedimentis, cùm divitiis, officiis, facultatibus renunciaſſent, hoc unum in extremam usque ætatem egerunt; plures tamen ex his nondum se scire confessi è vitâ abierunt. Magna res hæc est & diu vitanda, cùm hora illa adveniat inevitabilem.

inevitabilis æquo animo abire.  
 Vivere noluit, qui mori non vult,  
 vita enim cum exceptione mortis  
 data est, ad hanc itur, quam idè  
 timere dementis est, quia certa ex-  
 pectantur, dubia metuuntur, mors  
 necessitatem æquam habet & invi-  
 ctam. Quis queri potest in eà  
 conditione se esse, in quà nemo  
 non est? Tu tamen mortem, ut  
 nunquam timeas, semper exspe-  
 cta. Clementissimus portus ali-  
 quando petendus est, nunquam re-  
 cusandus, in quem si quis intra pri-  
 mos annos delatus est, non magis  
 queri debet, quam qui citò naviga-  
 vit; alium enim venti segnes in-  
 dunt ac detinent, & tranquillitatis  
 lentissimo tædio lassant, alium per-  
 tinax

tinax flatus celerrimè perfert; idem nobis evenire puta, alios vita velocissimè abduxit, quò veniendum erat etiam cunctantibus, alios maceravit & coxit. Vis adversus hoc corpus liber esse? tanquam migraturus habita. Propone tibi quandoque hoc contubernio carendum, fortior eris ad necessitatem exeundi: nullius rei meditatio tam necessaria est.

## CAPVT IV.

De utilitate adversi-  
sitatis.

**Q**uare multa bonis Viris mala eveniunt? Nihil accidere mali bono Viro potest, omnia adversa exercitationes putat; marcet sine

sine adversario Virtus ; Tunc ap-  
 paret, quanta sit, quantumque va-  
 leat, cùm, quid possit, patientia  
 ostendit. Non vides, quantò ali-  
 ter patres, aliter matres indulgent?  
 Illi exercitari jubent liberos ad stu-  
 dia obeunda maturè, feriatis quo-  
 què diebus non sinunt esse otiosos,  
 & sudorem illis & interdum lacry-  
 mas excutiunt. Paternum Deus  
 habet adversus nos animum, &  
 illos fortius amat & operibus, do-  
 loribus ac damnis exagitat, ut ve-  
 rum colligant robur. Nihil mi-  
 hi videtur infeliciùs eo, cui nihil  
 unquam evenit adversi. Quan-  
 tò plus erit tormenti, plus erit glo-  
 riæ. Calamitas Virtutis occasio  
 est. Hos itaque DEUS, quos pro-  
 bat,

bat, quos amat, indurat, recognoscit, exercet, eos autem quibus indulgere videtur, quibus parcere, molles venturismalis servat. Quare Deus optimum quemque aut malâ valetudine, aut luctu, aut incommodis afficit? Quare in castris quoque periculosa fortissimis imperantur? dux lectissimos mittit, qui nocturnis hostes aggrediantur insidiis, aut explorent iter, aut præsidium loco dejiciant. Nemo eorum, qui exeunt, dicit, male de me Imperator meruit, sed bene judicavit, idem dicant, quicumque jubentur pati: Digni visi sumus Deo, in quibus experiretur, quantum humana natura posset pati. Quid mirum, si durè generosos  
Spiri-

ritus Deus

am periculo

Non est a

, nisi in qua

urfat, ipsâ e

ingitur, &amp; r

sunt nautic

ari dura: Ag

excurienda

alent. No

os Spiritus

, qui nunq

, qui fudi

us dentes

go, ille, qui t

am toto tulit

jit animum p

ts cecidit, for

ignâ spe de

Spiritus DEUS tentat ? contem-  
 ptum periculorum assiduitas da-  
 bit. Non est arbor solida nec for-  
 tis, nisi in quam frequens ventus  
 incurfat, ipsâ enim vexatione con-  
 stringitur, & radices certius figit :  
 sic sunt nautica corpora ferendo  
 mari dura : Agricolis manus tritæ,  
 ad excutienda tela militares lacer-  
 ti valent. Non potest athleta ma-  
 gnos Spiritus ad certamen adfer-  
 re, qui nunquam suggillatus est :  
 Ille, qui fudit sanguinem suum,  
 cujus dentes crepuerunt sub pu-  
 gno, ille, qui supplantatus adversa-  
 rium toto tulit corpore, nec pro-  
 jecit animum projectus : qui quo-  
 ties cecidit, fortior surrexit, cum  
 magnâ spe descendit ad pugnam.  
 Puta

Putate itaque DEUM dicere: quid habetis, quod de me queri possitis vos, quibus res placuerunt? Aliis bona falsa circumdedit auro, illos, argento & ebore adornavit, intus boni nihil est: isti, quos profelicibus aspicitis, miseri sunt, sordidi, turpes, ad similitudinem parietum suorum extrinsecus culti: vobis dedi bona certa, mansura: quanto magis versaverit aliquis & inspexerit, tanto videbit meliora & majora: quae permitti vobis metuenda contemnere, cupienda fastidire, non fulgetis extrinsecus, bona vestra introrsus obversa sunt.

Quidam  
 Quærendum  
 rum bonum  
 itant quide  
 ntiam affe  
 circa curam se  
 tius evagari  
 m ut longiss  
 et circa car  
 am ad virtut  
 is cupiditate  
 ænat? ad C  
 us & ad m  
 s invenies  
 etet cupere

## CAPVT V.

*Contra vanam & secularem scientiam.*

**Q**uidam de liberalibus studiis quærendum iudicaverunt, an Virum bonum facerent: Ne promittunt quidem, nec hujus rei scientiam affectant. Grammaticus circa curam sermonis versatur, & si latius evagari vult, circa historias, jam ut longissimè fines suos profectat circa carmina, quid horum viam ad virtutem sternit? quid ex his cupiditatem eximit? libidinem frænât? ad Geometriam transeamus & ad musicam, nihil apud illas invenies, quod vetet timere, vetet cupere. Quæris, ubi Ulysses

ses erraverit potius, quam efficias  
 ne nos semper erremus. Non  
 vacat audire utrum inter Italiam &  
 Siciliam jactatus sit, nos animi  
 quotidie jactant, & nequitia in  
 omnia Ulyssis mala impellit, non  
 deest forma, quæ sollicitet oculos,  
 non hostis, hinc monstra effera &  
 humano cruore gaudentia, hinc in-  
 fidiosa blandimenta aurium, hinc  
 naufragia & tot varietates malo-  
 rum. Quid inquiris, an Penelo-  
 pe impudica fuerit, doce me quid  
 sit Pudicitia, & quantum in eâ bo-  
 num? Ad musicam transeo, doces  
 me quomodo inter se acutæ & gra-  
 ves voces consonent, quomodo  
 numerorum disparem reddentium  
 sonum fiat concordia, fac potius,  
 quo-

quomodo an-  
 ecum. M  
 modi flebile  
 quomodo in  
 nittam voce  
 ne Geomet  
 otius doceat  
 quantum ho  
 nerare me  
 varitæ com  
 us doceat  
 as computa  
 ciores, et  
 ularios lasse  
 onea posside  
 eturus est, si  
 e computa  
 nim prodes  
 as dividere

quomodo animus consonet meus  
 secum. Monstras mihi qui sint  
 modi flebiles, monstra potius,  
 quomodo inter aduersa non e-  
 mittam vocem flebilem. Metira  
 me Geometres docet latifundia,  
 potius doceat, quomodo metiar,  
 quantum homini sit satis. Nu-  
 merare me docet Arithmetica &  
 auaritiæ commendat digitos, po-  
 tius doceat nihil ad rem pertinere  
 has computationes, non esse fe-  
 liciozem, cuius patrimonium ta-  
 bularios lasset; imò quàm superva-  
 canea possideat, qui infelicissimus  
 faturus est, si quantum habeat, per  
 se computare cogatur. Quid  
 enim prodest, scire agellum in par-  
 tes dividere, si nescio cum fratre  
 divi-

dividere? quid prodest colligere subtiliter pedes iugeri & comprehendere etiam si quid decempedam effugit, si tristem me facit vicinus potens? doces me, quomodo nihil perdam de finibus meis, & ego discere volo, quomodo totos hilaris amittam. Paterno agro inquis & materno expellor: Quid? ante avum tuum quis istum agrum tenuit? non dominus, sed colonus intraſti. Cujus colonus es? ſi bene tecum agitur, hæredis. Negant jurisconſulti quicquam uſu capi quod publicum eſt: publicum eſt hoc quod tenes & quidem generis humani. O egregiam artem! ſcis rotunda metiri, in quadratum redigis quamſunque formam,

am, nihil e  
am non ca  
etire homin  
agnus ſit, q  
æ recta ſit li  
ſi quid in v  
? Soli artes  
dicam libe  
s curæ Vi  
non verba  
emoria ſit,  
ofidium ha  
tura umbra  
lax.

I perpende  
ipſe confi

mam, nihil est quod in mensuram  
 tuam non cadat. Si artifex es,  
 metire hominis animum, dic quam  
 magnus sit, quàm pusillus. Scis  
 quæ recta sit linea, quid tibi prod-  
 est, si quid in vitâ sit rectum igno-  
 ras? Soli artes liberales sunt, imò  
 (ut dicam liberius,) liberæ, qui-  
 bus curæ Virtus est: res tra-  
 hit non verba, & nescio an certior  
 memoria sit, quæ nullum extra se  
 subsidium habet. Tota rerum  
 natura umbra est, aut inanis, aut  
 fallax.

## CAPVT VI.

*De Cognitione sui.*

**S**I perpendere te voles, intus te  
 Siple considera. Equum emptu-

rus jubes solvi stratum, detrahis ve-  
 stimenta vernalibus nequâ vitia  
 corporis lateant, hominem in-  
 volutum æstimas? vides illum in-  
 signi capitis decorum, si vis illum  
 æstimare, totumque scire qualis  
 sit, fasciam solve, multum mali  
 sub illâ latet. Illud præcipuè nos  
 impedit, quod citò nobis place-  
 mus, si invenimus, qui bonos nos,  
 dicat qui prudentes, qui sanctos,  
 agnoscimus, cum sciamus illos sæ-  
 pè multa mentiri: sequitur itaque  
 ut ideò mutari nolimus, quia nos  
 optimos esse credimus. Alexan-  
 der cum in Indiâ vagaretur & gen-  
 tes bello vastaret, in obsidione cu-  
 jusdam Urbis sagittâ ictus diu per-  
 stitit in re, & incepta agere perse-  
 vers-

veravit, deinde  
 ceret, coact  
 nquit, juran  
 sed hoc vuln  
 clamat. Ie  
 quenquam a  
 mus: Vos o  
 esse dicitis,  
 multa inuti  
 citura opten  
 na Conscien  
 ferum, si co

De Exa

A Nimu  
 dam n  
 Utor hac

veravit, deindè cum dolor excre-  
 sceret, coactus abfistere, omnes,  
 inquit, jurant me jovis filium esse,  
 sed hoc vulnus hominem me esse  
 clamat. Idem faciamus, cum  
 quenquam adulatio infatuat, dica-  
 mus: Vos quidem prudentem me  
 esse dicitis, ego autem video quàm  
 multa inutilia concupiscam, no-  
 citura optem. Rem dicam: Bo-  
 na Conscientia testis est. O te mi-  
 serum, si contemnis hunc testem!

## CAPVT VII.

*De Examine Conscien-  
 tie quotidiano.*

**A** Nimus quotidie ad reddend-  
 am rationem vocandus est.  
 Utor hac potestate, & quotidie

apud me causam dico, cum sublatum est è conspectu lumen, totum diem mecum scrutor facta ac dicta mea remetior, quod hodie malum tuum sanasti? cui vitio obstitisti? quâ parte melior es? Nihil mihi ipse abscondo, nihil transco, quare enim quicquam ex erroribus meis timeam cum possim dicere: vide ne istud ampliùs facias, nunc tibi ignosco. Quid ergo pulchriùs hac consuetudine excutiendi totum diem? qualis me somnus post recognitionem sui sequitur, quàm tranquillus, ac liber? cùm aut laudatus est animus, aut admonitus: moderatiùs erit, qui sciet sibi quotidie ad iudicem esse veniendum.

## CAPVT VIII.

*De in ordinatis affectionibus superandis.*

**I**Mbecillis primò omnis affectus, non obtinebis, ut desinat, si incipere permiseris, deinde ipse se concitat & vires dum procedit, parat, excluditur facilius, quàm expellitur. Quis negat omnes affectus à naturali principio fluere? Curam nostri natura mandavit; sed huic ubi nimium indulseris, vitium est. Voluntatem natura necessariis rebus admiscuit, ut non illam peteremus; sed ut ea sine quibus vivere non possumus, gratiora nobis illius faceret accessio: si suo jure veniat, luxuria est: ergo

intransibus resistamus, quia facilius non recipiuntur, quam exeunt. Quantum possumus nos, à lubrico recedamus, in sicco quoque parùm firmiter stamus. Occurres mihi hoc loco illâ voce publicâ: Homunciones sumus, omnia nobis negare non possumus, concupiscemus temperatè: imo aliud est in te, vitia nostra quia amamus, defendimus, & malumus excusare illa quam excutere: vires nostras colligimus, ac totas pro nobis non contra nos concitemus: nolle in causa est, non posse prætenditur. Omnes præoccupati sumus, virtutes discere, vitia dediscere, eò majore animo debemus ad nostri emendationem accedere.

Irri-

CHR  
 itamenta vi  
 simè fugia  
 animus, &  
 atum pro  
 licandum e  
 nere militi  
 ies, nunq  
 rsequere vit  
 o, nam illis q  
 odus est.  
 or tuum la  
 trahi nequi  
 is evellendu  
 rapuè in  
 onum more  
 ti vocant, in  
 ar, ut jugu  
 efferro, ced  
 hoc durum

*A* CHRISTIANVS S. 29

Irritamenta vitiorum quàm longissimè fugiamus. Indurandus est animus, & à blandimentis voluptatum procul abstrahendus. Militandum est nobis & quidem genere militiæ, quo nunquam quies, nunquam otium datur: perseguere vitia sine fine, sine modo, nam illis quoque nec finis, nec modus est. Projice quæcunque Cor tuum laniant, quæ si aliter extrahi nequirent, cor ipsum cum illis evellendum erat: voluptates præcipuè inimicissimas habe latronum more, quos Philistas Ægyptii vocant, in hoc nos amplectuntur, ut jugulent. Si voluptati cessero, cedendum est & dolori. Hoc durum & laboriosum negotium

tium nobis datum esse scias, scilicet  
 imus per obstantia. Itaque pugne-  
 mus, aliquorum imploremus auxi-  
 lium. Qui deponere vult desideria  
 rerum omnium, quantum cupidi-  
 tate flagravit, & oculos, & aures ab  
 his, quæ reliquit avertat, citò rebel-  
 lat affectus, quocumque se verterit,  
 aliquod pretium inveniet occupa-  
 tionis suæ. Ambitio promittit  
 plausum & ex hoc potentiam; lu-  
 xuria varias & multas voluptates:  
 Avaritia pecuniam: mercede te  
 Vitia sollicitant, hic tibi gratis vi-  
 vendum est? vix effici toto sæculo  
 potest, ut Vitia tam longa licentiâ  
 tumida subigantur, & jugum acci-  
 piant. Inæstimabile bonum est;  
 Suum fieri.

Quomo  
 bus pax

Confort  
 Cinter no  
 potest quise  
 se tantum in  
 utilitates sua  
 vas oportet  
 Societas dil  
 vanda est, q  
 commune]  
 rimum quo  
 rem Societ  
 dam profic  
 stultus est  
 non ipsum

## CAPVT IX.

*Quomodo cum omnibus pax & amicitia conseruanda sit.*

**C**onfortium rerum omnium inter nos facit amicitia. Non potest quisquam beatè degere, qui se tantum intuetur, qui omnia ad utilitates suas convertit: alteri viuas oportet, si vis tibi vivere. Hæc Societas diligenter & sanctè obseruanda est, quæ iudicat esse aliquod commune Jus generis humani plurimum quoque ad illam interiorem Societatem amicitia colendam proficit; Quemadmodum stultus est, qui equum empturus non ipsum inspicit, sed iter tum

ejus, & fr̄nos, sic stultissimus est, qui hominem, aut ex veste, aut ex conditione, quæ vestis modo nobis circumdata est, æstimet: Servus aliquis est, at fortassè liber animo; Servus est, hoc illi non nocebit, ostende quis non sit. Hæc præcepti mei summa est: sic cum inferiore vivas, quemadmodum Superiorem tecum velis vivere.

## CAPVT X.

*De Consideratione humane miseria.*

Quid ista sic diligis, quasi tua? Quia origo nos manet, alius rerum status, propterea intrepidus horam illam decretoriam prospice: quicquid circa te jacet rerum,

tan-

tanquam ho  
specta: tran  
Natura rede  
tem. Qui  
sus est lacte  
tus, non lice  
tuleris: de  
cumjecta,  
tum tui cut  
suffusus san  
totum, det  
firmamenta  
um. Dies  
tremum ref  
lis est: gem  
nascens est  
ita solet fier  
lamenta na  
es, veniet,

tanquam hospitalis loci Sarcinas  
 specta: transeundum est: excutit  
 Natura redeuntem, sicut intrans-  
 tem. Quisquis exit in lucem, ius-  
 sus est lacte, & panno esse conten-  
 tus, non licet plus efferre quàm in-  
 tuleris: detrahentur tibi hæc cir-  
 cumjecta, novissimum vel amen-  
 tum tui cutis, detrahetur caro &  
 suffusus sanguis discurrensque per  
 totum, detrahentur ossa, nervique,  
 firmamenta fluidorum ac labenti-  
 um. Dies iste quem tanquam ex-  
 tremum reformidas, æterni Nata-  
 lis est: gemis & ploras, hoc ipsum  
 nascentis est. Quid contristaris?  
 ita solet fieri. Pereunt sæpè ve-  
 lamenta nascentium, istis opertus  
 es, veniet, qui revelet dies, & ex

contubernio facti, atque olidi ven-  
 tris educat; jam hinc altius aliquid  
 sublimiusque meditare: aliquando  
 tibi caligo ista discutietur: nulla  
 umbra serenum turbabit, æquali-  
 ter splendebit omne Cœli latus; di-  
 es & nox aëris infimi vices sunt,  
 tunc in tenebris vixisse te dices,  
 cum totam lucem totus aspexeris:  
 quid tibi videbitur divina lux cum  
 illam suo loco videris? Hæc cogi-  
 tatio nihil sordidum animo subsi-  
 dere sinit, nihil humile, nihil  
 crudele: qui æternitarem men-  
 te concipit, nullos horret exer-  
 citus, non terretur tubâ, nul-  
 lis ad timorem minis  
 agitur.

De fam  
 borum app  
 fa

Prosunt in  
 enim virt  
 no statu cont  
 que aliquem  
 rum quo qua  
 asus exerceat  
 dicit, mone  
 agitatione V  
 è nocet, fa  
 metam, irac  
 tes laudande  
 mali ubi plu  
 & in unum  
 ergo è cont

## CAPVT XI.

*De familiaritate pro-  
borum appetend, malorum  
fugiendâ.*

**P**rosunt inter se boni, exercent  
enim virtutes, & Sapienciam in  
suo statu continent: desiderat uter-  
que aliquem cum quo conferat,  
cum quo quærat: peritos luctandâ  
usus exercet, musicum qui paria di-  
dicit, monet: opus est & Sapienci-  
agitatione Virtutum. Malus ma-  
lè nocet, facit quoque pejorem,  
metum, iram incitando, volupta-  
tes laudando, & maximè laborant  
mali ubi plurimum Vitiâ miscuere,  
& in unum collata, nequitia est;  
ergò è contrario bonus bono pro-  
derit.

derit. Quomodo? inquis. Ex  
 conspectu mutæ tranquillitatis  
 crescet utriusque lætitia; præterea  
 secundum naturam est amicorum  
 actus, ut suo, proprioque lætari,  
 nam nisi hoc fecerimus, nec virtus  
 quidem, nobis quæ in exercendo  
 sensu est, permanebit: Virtus au-  
 tem suadet in futurum consulere,  
 deliberare & intendere animum  
 facilius intendet explicabitque qui  
 aliquem sibi assumpserit: quærit  
 itaque aut perfectum Virum aut  
 proficientem ac vicinum perfecto,  
 Ajunt, homines plus in alieno ne-  
 gotio videre, sic quædam sunt, quæ  
 etiam sapientes in alio, quàm in se  
 diligentius vident. Præterea il-  
 lud quod dulcissimum & honestis-  
 simum,

num, idem v  
 diens sapien  
 n. opus par  
 iam vel occ  
 vat, & est a  
 no Viro vel t  
 di facile dixe  
 rofit, sic ut i  
 fisse minuta  
 am mordent  
 nuis illis, &  
 s est, tumo  
 oso tumore  
 et; idem tibi  
 orum Viro  
 rehendes d  
 uando tibi p  
 endes, nun  
 a inutilis est

simum, idem velle atque idem nolle  
sapiens sapienti præstabit, egregi-  
um opus pari iugo ducet: quin  
etiam vel occurfus ipse Sapientis  
juvat, & est aliquod quod ex ma-  
gno Viro vel tacente proficias, nec  
tibi facile dixerim quemadmodum  
profit, sic ut intelligam illud pro-  
fuisse minuta quædam animalia  
cum mordent non sentiuntur, ad o-  
tenuis illis, & fallens in periculum  
vis est, tumor indicat morsum, &  
ipso tumore nullum vulnus appa-  
ret; idem tibi in conversatione bo-  
norum Virorum eveniet, non de-  
prehendes quemadmodum, &  
quando tibi profit, profuisse depre-  
hendes, nunquam enim boni ope-  
ra inutilis est, nunquam ejus licet

obscura Virtus latet, sed mittit sui  
 Signa. Quid est ergò, quare ulla  
 verba coram amico meo retraham?  
 quid est, quare me coram illo non  
 putem solum? Quidam, quæ tantum  
 amicis committenda sunt, obviis  
 narrant, & in quaslibet aures  
 quicquid illos urit, exonerant:  
 quidam etiam rursus carissimorum  
 conscientiam reformidant, & si  
 possunt ne sibi quidem credituri,  
 interius premunt omne Secretum:  
 neutrum faciendum est, utrumque  
 enim vitium est & omnibus credere,  
 & nulli: Quantum bonum est,  
 ubi sunt præparata peccata,  
 in quæ tutum omne Secretum  
 descendat? quorum conscientiam  
 minus quam tuam timeas?

quo-

uorum ser  
 at? senten  
 t? hilarita  
 onspetus i  
 nen quantu  
 cupiditati  
 nim quidam  
 a, sed vitia g  
 nultum noc  
 tatim profic  
 nquit, seq  
 lis discesse  
 ostea malu  
 ui audierun  
 ecum in au  
 la ad dulce  
 it, actiones  
 atitur inter  
 audantium

quorum sermo sollicitudinem leniat? sententia consilium expedi- at? hilaritas tristitiam dissipet? conspectus ipse delectet? quos ta- men quantum fieri poterit, vacuos à cupiditatibus eligemus; sunt enim quidam, qui non tantum ver- ba, sed vitia gestant, horum sermo multum nocet, nam etiamsi non statim proficit, semina in animo re- linquit, sequiturque nos cum ab illis discesserimus, resurrecturum postea malum; Quemadmodum qui audierunt Symphoniam, ferunt secum in auribus modulationem, illa ad dulcedinem cantumque co- git, actiones impedit, nec ad seria patitur intendi, sic sermo prava laudantium diutius hæret, quam audi-

auditur, nec facile est animo dul-  
 cem sonum excutere, prosequitur-  
 que & durat, & ex intervallo recur-  
 rit, ideòque claudendæ sunt aures  
 malis vocibus, & quidem primis,  
 nam cum initium fecerunt, admif-  
 sæque sunt; plus audent, inde ad  
 hæc pervenitur verba: Virtus ver-  
 borum inanis crepitus est, una fe-  
 licitas est bonæ vitæ, facere omnia  
 liberè, hoc est vivere, hoc est mor-  
 talem esse: hæ voces non aliter fu-  
 giendæ sunt, quàm illæ, quas Ulyf-  
 ses nisi alligatus prætervehi noluit:  
 idem possunt, abducunt à patria,  
 à virtutibus, & in turpem vitam  
 miserè illidunt: non est istud vive-  
 re. Inter causas malorum no-  
 strorum est, quod vivimus ad  
 exem-

empla, nec  
 ur, sed consu-  
 ad si pauci  
 itari, cum  
 ne, quasi ho-  
 nentius, seq-  
 os locum ter-  
 icus.

De abn-

Omnia licet  
 intus nihil  
 r se non rix-  
 or, nec ab-  
 am quid pr-  
 lentium, si  
 nimus obstr-  
 r, ab illo

exempla, nec ratione componi-  
mur, sed consuetudine abducimur,  
quod si pauci facerent, nollemus  
imitari, cum plures facere cœpe-  
runt, quasi honestius sit quia fre-  
quentius, sequimur, & recti apud  
nos locum tenet error, ubi est pu-  
blicus.

## CAPVT XII.

*De abnegatione sui.*

**O**Mnia licet foris resonent, dum  
intus nihil tumultus; dum in-  
ter se non rixentur cupiditas & ti-  
mor, nec altera alteram vexet:  
nam quid prodest totius regionis  
silentium, si affectus fremunt? Si  
animus obstrepat? ideò ille cure-  
tur, ab illo sensus, ab illo verba  
exe-

exeunt, ab illo nobis est habitus  
 vultus, incessus, si ille procubuit, &  
 cetera sequuntur ruina: rege in-  
 columi spes omnibus una est, amif-  
 so rupere fidem. Rex est animus  
 noster, hoc incolumi cetera ma-  
 nent in officio, parent, obtempe-  
 rant, cum ille paululum vacillavit  
 simul titubant. Animus noster  
 modo Rex est, modo Tyrannus:  
 Rex cum honesta intuetur, nihil  
 imperat turpe, nihil sordidum, ubi  
 vero impotens, cupidus, delicatus  
 est, transit in nomen detestabile  
 ac dirum, & sit Tyrannus, tunc il-  
 lum excipiunt affectus impoten-  
 tes, & instant, qui initio quidem  
 gaudent, ut solet populus frustra  
 plenus nociturâ largitione: hujus  
 ergo

ergo compes-  
 cendo ad rerum  
 actatione b  
 apandi sum  
 bet inertia,  
 ni Imperato  
 ilitem vid  
 ompescunt  
 ent; nun  
 strictis: op  
 ores nostri  
 clamprava

De Cont

Animus  
 pressus  
 erti ad illa

ergo compescenda est seditio, & ideo ad rerum actus exercitandi, & tractatione bonarum artium occupandi sumus, quoties non mala habet inertia, sui impatiens. Magni Imperatores cum malè parere militem vident, aliquo labore compescunt, & expeditiones detinent; nunquam vacat lascivire districtis: opus est aliquò, ad quem mores nostri se erigant, nisi ad regulam prava non corriges.

## CAPVT XIII.

*De Contemplatione rerum Cælestium.*

**A**Nimus noster gravi Sarcinâ pressus explicari cupit, & reverti ad illa quorum fuit, nam

corpus hoc animi pœna est ac pondus, premente illo urgetur, in vinculis est, nisi se à terrenis dimiserit ad divina: hæc libertas ejus est, hæc evagatio, subducit interim se custodiæ, quâ tenetur, & Cœlo se reficit. Quemadmodum artifices ex alicujus rei subtilioris intentione, quæ oculos defatigat, si malignum, & non præclarum lumen habent, in publicum prodeunt, & in aliquâ regione ad populi otium dedicata oculos liberâ luce delectant, sic animus in hoc tristi & obscuro domicilio clusus, quoties potest, apertum petit, & in contemplatione requiescit. Ego non quæram, quis sit hujus mundi artifex? unde tanta lux fundatur? ego  
 ista

sta non qua  
 unde descen  
 inc iturus f  
 tet animam  
 itutis soluta  
 nteresse? M  
 a genitus q  
 mei corpori  
 liter aspici  
 bertati meæ  
 emptus con  
 erviant erg  
 bus: fortes  
 a, non con  
 non vincula  
 vulnera. A  
 est, aut tra  
 re, nec tran  
 quam tam a

ista non quæram ? ego nesciam,  
unde descenderim ? nesciam, quò  
hinc iturus sim ? quæ Sedes expe-  
ctet animam legibus humanæ ser-  
vitudinis solutam ? vetas me Cælo  
interesse ? Major sum, & ad majo-  
ra genitus quàm ut mancipium sim  
mei corporis, quod equidem non  
aliter aspicio, quàm vinculum li-  
bertati meæ circumdatum. Con-  
temptus corporis certa libertas est,  
serviaut ergò deteriora meliori-  
bus: fortes simus adversus fortui-  
ta, non contremiscamus injurias,  
non vincula, non egestatem, non  
vulnera. Mors quid est ? aut finis  
est, aut transitus: nec desine-  
re, nec transire timeo, quia nus-  
quam tam angustè ero.

De Constantiâ in ad-  
versis.

**Q**Uæris an omne bonum optabile sit? Si bonum est, inquis, fortiter torqueri & magno animo iri, & patienter ægrotare sequitur, ut ista optabilia sint, nihil autem ex his video votô dignum, neminem certè scio adhuc eo nomine votum solvisse, quòd flagellis cæsus esset, aut equuleo longior factus: distingue ista, & invenies, in his esse aliquid optandum: tormenta à me abesse velim, sed si sustinenda fuerint, ut me in illis fortiter & animosè geram, curabo: Non sum tam demens, ut ægrotare cupiam,

am, sed si  
 nihil intemp  
 atè agam. o  
 oda captab  
 à perferu  
 nihil haber  
 ius denun  
 itatem ani  
 tio inconc  
 tranquillitas  
 ctis adhuc  
 pientis ve  
 r, nullaqu  
 mper & ub  
 disti aliquid  
 omino fruf  
 eptantem? q  
 tuis integrum  
 a spem futu

piam, sed si ægrotandum fuerit, ut  
 nihil intemperanter, nihil effæmi-  
 natè agam. optabo, ita non incom-  
 moda captabilia sunt, sed Virtus,  
 quàm perferuntur, incommoda.  
 Nihil habere ad quod exciteris,  
 cujus denunciatione & incurfu fir-  
 mitatem animi tui tentes, sed in  
 otio inconcusso jacere, non est  
 tranquillitas, malitia est. Imper-  
 fectis adhuc interscinditur lætitia.  
 Sapientis verò gaudium contexi-  
 tur, nullaque rumpitur fortunâ,  
 semper & ubique tranquillum est.  
 Vidisti aliquando canem missi à  
 domino frustra carnis aperto ore  
 captantem? quicquid excepit, pro-  
 tinùs integrum devorat, & semper  
 ad spem futuri hiat: idem evenit  
 nobis

C

nobis, quicquid expectantibus fortuna projecit, id sine ullâ voluptate demittimus, statim ad alterius rapinam arreçti & attentis, hoc Sapienti non evenit; credamus igitur pulcherrimum iter monstranti & clamanti: Hâc itur ad astra, hâc secundum Temperantiam, hâc secundum Fortitudinem. Miraris hominem ad Superos ire? DEUS ad homines venit, imò (quod propius est) in homines venit. Nulla sine DEO mens bona est. Divina Semina in humanis corporibus dispersa sunt, quæ si bonus cultor excipit, paria his ex quibus orta sunt, resurgunt; si malus non aliter quàm humus sterilis ac palustris necat.

e deindè cr  
ugibus.

De Br

Nemo ta  
nesciat si

ndum, tamen

t, tergivers

onnè tibi

mnium, qu

nos mille

atus est, qu

os mille no

nt, non cri

ne tempus a

inctum con

tendas, q

id fles? qu

ac deindè creat purgamenta pro  
frugibus.

## CAPVT XV.

*De Brevitate vite.*

**N**emo tam imperitus est, ut  
nesciat sibi quandoque mori-  
endum, tamen cum propè accesserit,  
tergiversatur, tremit, plorat.  
Nonnè tibi videtur stultissimus  
omnium, qui fleverit, quòd ante  
annos mille non vixerat? æquè  
stultus est, qui flet, quòd post an-  
nos mille non vivet. Hæc paria  
sunt, non eris, nec faisti, utrum-  
que tempus alienum est. In hoc  
punctum conjectus es, quod, ut  
extendas, quousque extendes?  
quid fles? quid optas? perdis ope-  
ram;

ram ; eò ibis , quo omnia ibunt .  
 Quid tibi novum est ? ad hanc le-  
 gem natus es hoc patri tuo accidit ,  
 hoc matri , hoc majoribus , hoc  
 omnibus ante te , hoc omnibus  
 post te ; Series invicta & nullâ mu-  
 tabilis ope illigat , ac trahit cuncta .  
 Nullum sine exitu iter . Infelix  
 servis hominibus , servis rebus ,  
 nam vita , si moriendi virtus abest ,  
 servitus est . Quomodo fabula ,  
 sic vita , non quàm diu , sed quam  
 benè acta sit , refert ; nihil ad rem  
 pertinet , quo loco desinas , quo-  
 cunque voles desine , tantùm bo-  
 nam clausulam impone . Hoc de-  
 nique tibi circa diem mortis præ-  
 sta , moriantur ante te vitia ; dimit-  
 te voluptates turbidas magno le-  
 van-

andas .  
 nonstranda  
 alcanda .  
 ur , quod n  
 Ego certè ve  
 perimentum  
 iam de om  
 venerit , ita  
 quor : ille  
 atrum loqu  
 nunquid fir  
 nove studia  
 ta , mors de  
 ta dico , di  
 colloquia , &  
 tum verba e  
 mo non ost  
 animi ; est  
 midiffimis a

vandas. Quibusdam remedia  
 monstranda sunt, quibusdam in-  
 culcanda. Nunquam nimis dicitur,  
 quod nunquam satis discitur.  
 Ego certè velut appropinquet ex-  
 perimentum, & ille laturus senten-  
 tiam de omnibus annis meis dies  
 venerit, ita me observo, & allo-  
 quor: ille dies iudicaturus est,  
 utrum loquar fortia an sentiam,  
 nunquid simulatio fuerit. Re-  
 move studia, totam vitam pertra-  
 cta, mors de te pronuntiatura est.  
 Ita dico, disputationes & literata  
 colloquia, & ex præceptis Sapien-  
 tium verba collecta, & eruditus ser-  
 mo non ostendunt verum robur  
 animi, est enim oratio etiam ti-  
 midissimis audax. Quid egeris,

tunc apparebit, cum animam ages. Accipio patienter conditionem humanam, non reformido iudicium. Juniores, quid refert? non dinumerantur anni. Incertum est, quo te loco mors expectat, itaque tu illam omni loco expecta. Semper discendum est, quod an sciamus, experiri non possumus. Qui mori discit, servire dediscit. Una est catena, quæ nos alligatos habet, amor vitæ, qui ut non est abjiciendus, ita minuendus est, ut si quando res exigit, nihil nos detineat, quo minus parati simus, quod quandoque faciendum est, statim facere. Molestum est, inquis, mortem ante oculos habere: primum ista tam juveni ante oculos esse debet, quàm seni.

Vivere o  
ad pro  
beatam vit  
Proponend  
quid sit quo  
cum spicien  
dere eò p  
ipso itinere  
quantum  
quantoque  
ad quod n  
Nihil ergò  
quàm ne p  
antecedent

## CAPVT XVI.

*De desiderio eterna  
beatitudinis, & hujus vi-  
tae angustis.*

**V**Ivere omnes beatè volunt, sed ad providendum quid sit, quod beatam vitam efficiat, caligant. Proponendum itaque est primum, quid sit quod appetamus: tunc circumspiciendum est, qua contendere eò possimus intellecturi in ipso itinere, si modò rectum erit, quantum quotidie proficiamus, quantoque propius ab eo simus, ad quod nos cupiditas impellit. Nihil ergò magis præstandum est, quàm ne pecorum ritu sequamur antecedentium gregem pergentes

non quò eundum est, sed quo itur.  
 Versat nos & præcipitat traditus  
 per manus error, alienisque peri-  
 mus exemplis: exurge modò, & te  
 quoque dignum finge DEO: fin-  
 ges autem non auro & argento,  
 non potest ex hac materiâ Imago  
 DEO similis exprimi. In hac vitâ  
 nunquam stabili consistimus loco,  
 hic deprimatur quis alternis, & ex-  
 tollitur, ac modò in Cœlum leua-  
 tur, modò in terram defertur, ten-  
 demus & fluctuamur, & alter in  
 alterum illidimur, & aliquando  
 naufragium facimus, semper time-  
 mus. In hoc tam procelloso, &  
 in omnes tempestates exposito  
 mari navigantibus nullus portus  
 est, nisi mortis. Omnes agedum  
 circum-

4. J. C. P.  
 circumspici  
 que flendi  
 um ambi  
 sollicitat,  
 opus labor  
 divitias, q  
 voto labor  
 do, alium  
 re se dolet  
 lacrymæ ne  
 causâ dole  
 lem vitam  
 miserit, qu  
 hominum  
 principio e  
 quentium  
 sentit, sic  
 videmus, q  
 tent incom

circumſpice mortales, larga ubique flendi, & affidua materia: alium ambitio nunquam quietum ſollicitat, alium ad quotidianum opus laboriola egeſtas vocat; illius divitias, quas optavit, metuit, & voto laborat ſuo: alium ſollicitudo, alium labor torquet; hic habere ſe dolet liberos, hic perdidiffe: lacrymæ nobis deerunt, antequam cauſæ dolendi. Non vides, qualem vitam nobis rerum natura permiferit, quæ primum naſcentium hominum fletum eſſe voluit. Hoc principio edimur, huic omnis ſequentium amorum ordo conſentit, ſic vitam agimus. Non videmus, quàm multa nos exagitant incommoda? quàm malè nobis

bis conveniat hoc corpus? nunc de  
 capite, nunc de ventre, nunc de  
 pectore aut faucibus querimur,  
 aliàs nervi, aliàs pedes nos vexant:  
 nunc dejectio, nunc destillatio, ali-  
 quando deest sanguis, aliquando  
 superest: hinc atque illinc tenta-  
 mur & expellimur, hoc evenire so-  
 let in alieno habitantibus. At  
 nos corpus tam turbe sortiti nihil-  
 ominus alterna proponimus, & in  
 quantum potest ætas humana pro-  
 tendi, tantum spe occupamus: ni-  
 hil satis est morituris imò morien-  
 tibus, quotidie enim propiùs ab  
 ultimo stamus, & illò unde nobis  
 cadendum, hora nos omnis impel-  
 lit. Corpora nostra rapiuntur  
 fluminum more: quicquid vides,  
 cur-

07  
 currit cum  
 quæ viden  
 dum loqu  
 tus sum, id  
 nostram,  
 mus rem f  
 momentu  
 fit. Vis  
 quod quo  
 re altiùs  
 Vita suppl  
 formes sur  
 ves, modo  
 mus subin  
 riam ei sur  
 De aliquo  
 tò dicere p  
 mutatio est  
 à te exigo

currit cum tempore: nihil ex his, quæ videmus, manet; ego ipse dum loquor, mutari ista, mutatus sum, ideò admiror dementiam nostram, quòd tantopere amamus rem fugacissimam, cum omne momentum mors prioris habitus sit. Vis tu timere, ne semel fiat quod quotidie fit? Si velis credere altiùs veritatem inuentibus. Vita supplicium est: quam multiformes sumus! modò frugi & graves, modo prodigi & vani: mutamus subinde personam, & contrariam ei sumimus, quam exuimus. De aliquo, quem vidi heri, meritò dicere potes: hic quis est? tanta mutatio est. Propterea erga hoc à te exigo, ut qualem institueris te

præstare, talem usque ad finem effice. Cogita quantæ celeritati additurus fueris, si à tergo hostis instaret: si equitem adventare suspicareris, ac fugientium premere vestigia: Fit hoc premeris accelera & evade, produc te in tutum, & subinde considera quàm pulchra res sit, bene vitam consummare. O quando videbis illud tempus, quo scies tempus ad te non pertinere, tranquillus placidusque eris, & castini negligens, & in summâ tui satietate.

A CH  
GAPDe Indi  
tâm in p

Non est  
Longa  
labaris oport  
& lassaris, F  
emetiendum  
iter, ubi Lu  
cubilia cur  
tant morbi

In hoc c  
da est, eff  
contemne  
tem, si sa  
præsumpt  
tius ad id,

*A* CHRISTIANVS. §. 59.  
CAPVT XVII.

*De Indifferentiâ animi  
tâm in prosperis, quâm ad-  
versis.*

**N**on est delicata res, vivere.  
Longam viam ingressus es, &  
labaris oportet, & erigaris, cadas  
& lafferis, per huiusmodi offensas  
emetiendum est confragosum hoc  
iter, ubi Luctus & ultrices posuere  
cubilia curæ: Pallentesque habi-  
tant morbi, tristisque senectus.

In hoc contubernio vita degen-  
da est, effugere ista non potes,  
contemnere potes, contemnes au-  
tem, si sæpè cogitaveris & futura  
præsumseris. Nemo non for-  
tius ad id, cui se diu composuerat,

accessit, imo durius quoque si præ-  
 meditata erant, obstitit: at contra  
 Imperatus etiam levissima expavit,  
 & quoniam omnia novitate gra-  
 viora sunt, hæc cogitatio assidua  
 præstabit, ut nulli malo sis tyro.  
 Nihil meremur eorum, ad quæ na-  
 ti sumus, quæ idè nulli querenda,  
 quia paria sunt: omnibus ita dico,  
 paria sunt, nam etiam quòd effugit  
 aliquis, pati potuit, æquum autem  
 jus est, non quo omnes usi sunt,  
 sed quod omnibus latum est. Im-  
 peretur æquitas animo, & sine que-  
 relâ mortalitatis tributa penda-  
 mus. Hyems frigora adducit,  
 ægendum est: æstas calores refert,  
 æstuanum est: & fera nobis ali-  
 quo modo occurret, & homo per-  
 nicio-

ciosior fer  
 qua, alium  
 am condit  
 offumus  
 uod emenc  
 m comitar  
 uo auctor  
 Malus miles  
 emens sequ  
 nimus, qui  
 ontra, ille p  
 obluatur  
 emendare,  
 duè cogiter  
 quàm om  
 mortalitate  
 bitò fortun  
 o omnia, &  
 ra: lege me  
 quicquid u

niciolior feris omnibus : aliam  
aqua, alium ignis eripiet, hanc re-  
rum conditionem mutare non  
possumus. Optimum est pati,  
quod emendare non possis, & De-  
um comitari sine murmuratione,  
quo auctore cuncta proveniunt.  
Malus miles est, qui Imperatorem  
gemens sequitur. Hic est magnus  
animus, qui se Deo tradidit, at  
contra, ille pusillus & degener, qui  
obluetur, & Deum mavult  
emendare, quàm se. Itaque assi-  
duè cogitemus, tam de nostra,  
quàm omnium quos diligimus  
mortalitate. Imperatum me su-  
bito fortuna percussit, nunc cogi-  
to omnia, & mortalia esse, & incer-  
ta: lege mortali hodie fieri potest,  
quicquid unquam potest.

## CAPVT XVIII.

*De non attrahendo sibi  
res exteriores.*

**S**ua satiùs est mala; quàm aliena tractare, & videre, quàm multarum rerum candidatus sit, & non suffragari. Hoc est egregium, hoc securum ac liberum nihil petere, & tota Fortunæ Comitia transire. Licet ergò hanc semper integram egerere materiam circumspicientibus, tot millia hominum inquieta, qui ut aliquid pestiferi, consequantur, per mala nituntur in malum, petuntque mox fugienda, aut etiam fastidienda, cui enim assecuto satis fuit, quod optandi nimium videbatur? Tu ista

CHR

ta credis ex  
is, ei verò  
umilia sunt  
azarat ascende  
numum put  
utem male h  
anquam ad  
umoribus,  
mania, aut  
verint adepti  
ars major ex

CA

De pace

**A** Nimium  
Coelum  
eris mare,  
cunque per

ista credis excelsa, quia longè es ab eis, ei verò qui ad illa pervenit, humilia sunt; mentior nisi adhuc quærat ascendere. Istud quod tu summum putas, gradus est, omnes autem male habet ignorantia veri, tanquam ad bona feruntur decepti rumoribus, deinde mala esse, aut inania, aut minora, quàm speraverint adepti, vident, minaturque pars major ex intervallo fallentia.

## CAPVT XIX.

*De pace internâ acqui-  
rendâ.*

**A** Nimum debes mutare, non Cælum; licet vastum trajecteris mare, vitia sequentur te quocunque perveneris, Quid miraris, nihil

nihil tibi peregrinationes prodesse,  
 cum te circumferas? premit te ead-  
 em causa, quæ expulit. Quid  
 terrarum novitas juvare potest:  
 quid cognitio urbium aut locorum?  
 in irritum cedit ista jactatio.  
 Quicquid facis, contra te facis, &  
 motu ipso noces tibi, ægrum enim  
 concutis: istud exemeris malum,  
 omnis mutatio loci jucunda fiet:  
 in ultimas expellaris terras licebit,  
 in quolibet Barbariæ angulo collo-  
 ceris, hospitalis illa tibi qualiscun-  
 que terra erit. Magis quis vene-  
 rit, quàm quò, inter est. Non  
 peregrinaris, sed erras & ageris;  
 ac locum ex loco mutas, cum illud  
 quod quæris, benè vivere, omni  
 loco positum sit. Bona Conscien-  
 tia

ta turbam ac  
 olitudine an  
 i honestum  
 ciant: si turp  
 em scire cum  
 m turbidum  
 st forum? i  
 vere, si nec  
 isponere, co  
 iciniam fori  
 t loca gravi  
 aletudinem  
 onæ menti  
 ectæ & con  
 arum salub  
 es te ipsum c  
 ccusatoris p  
 gere, deind  
 epreparatoris

nes prod  
premit te  
ulit. Q  
are pote  
n aut loc  
ista jactat  
a te facis  
grum en  
eris mal  
unda fie  
rras liceb  
gulo coll  
qualiscun  
quis ven  
ft. No  
& ageris  
cum illu  
ere, om  
Conscien  
tia

ria turbam advocat, mala etiam in  
solitudine anxia est atque sollicita.  
Si honestum est quod facis, omnes  
sciant; si turpe, quid refert, nemi-  
nem scire cum tu scias? Nunquid  
tam turbidum fieri potest, quam  
est forum? ibi quoque licet quietè  
vivere, si necesse sit; sed si liceat se  
disponere, conspectum quoque &  
viciniam fori procul fugiam: nam  
ut loca gravia etiam firmissimam  
valetudinem tentant, ita quoque  
bonæ menti, necdum adhuc per-  
fectæ & convalescenti, sunt aliqua  
parum salubria: ideò quantum po-  
tes te ipsum coargue, inquire in te,  
accusatoris primùm partibus fun-  
gere, deindè Judicis, novissimè  
deprecatoris, aliquando te offen-  
de,

de. Ego ubicunque sum, meus sum, rebus non me trado, sed comodo, nec confector temporis perdendi causas, & quocunque constitutus loco, ibi cogitationes meas tracto, & aliquid in mente salutare verso.

## CAPVT XX.

*Virtus sola in hac vita  
beatum reddit.*

**S**I quis omnia habet, valetudinem, divitias, imagines multas, frequens atrium, sed ex confesso malus est, improbabis illum. Item, si quis nihil illorum, quæ retuli, habeat, deficiatur pecuniâ, clientum turbâ, nobilitate, & avorum, proavorumque serie, sed ex confes-

**H** CH  
onfesso bon  
rgo est om  
quod qui ha  
uatur, laud  
non habet in  
iâ damnato  
conditio ren  
um est: na  
quæ preciosi  
ui argenteu  
is tutela ebo  
scis, ac op  
ed stabilis a  
quam exclu  
endam mar  
ernaculo  
entiens ven  
ices, non  
heus, nec

*A* CHRISTIANVS. P. 67

confesso bonus sit, probabis illum: ergo est omne bonum hominis, quod qui habet, etiamsi aliis destituatur, laudandus est, quod qui non habet in omnium aliorum copia damnatur & rejicitur. Quæ conditio rerum eadem, & hominum est: navis bona dicitur, non quæ preciosis coloribus picta, nec cui argenteum rostrum est, nec cuius tutela ebore cælata est, nec quæ fiscis, ac optibus regiis pressa est: sed stabilis ac firma, & juncturis aquam excludentibus spissa, ad ferendam maris injuriam solida, gubernaculo parens, velox & non sentiens ventum. Gadium bonum dices, non cui deauratus est baltheus, nec cui vagina gemmis distin-

stinguitur, sed cui ad secandum  
 subtilis acies, & mucro munimen-  
 tum omne rupturus: Regula non  
 quàm formosa, sed quàm recta sit,  
 quæritur: eò quodque laudatur  
 cui comparatur quod illi proprium  
 est: ergò in homine quoque nihil  
 ad rem pertinet quantum aret,  
 quantum sæneret, à quàm multis  
 salutetur, quàm pretioso incumbat  
 lecto, quàm pellucido bibat pocu-  
 lo: sed quàm bonus sit, bonus au-  
 tem est, si ratio recta & explicita  
 est: hæc vocatur Virtus: hoc est  
 honestum & unicum hominis bo-  
 num, nam cum sola ratio perficiat  
 hominem, sola ratio perfecta bea-  
 tum facit: hoc autem unum homi-  
 nis bonum est, quo uno beatus  
 effici-

fficitur, cet  
 ant. Nem  
 et: vitem la  
 nites onerat  
 erram eorum  
 plo, deduct  
 am præferre  
 va, aurea fo  
 ria virtus in  
 omine quoc  
 quod ipſus e  
 am habet, &  
 multum seri  
 nihil horum  
 psum: laud  
 ripi potest,  
 rium homin  
 nimus & ra  
 ta, rational

efficitur, cetera levia, mutabilia sunt. Nemo gloriari nisi suo debet: vitem laudamus, si fructu palmites onerat, si ipsa pondera ad terram eorum, quæ tulit adminiculo, deducit: num quis huic illam præferret vitem, cui aureæ uvæ, aurea folia dependerent? propria virtus in vite est fertilitas: in homine quoque id laudandum est, quod ipsius est: familiam formosam habet, & domum pulchram, multum ferit, multum fænerat, nihil horum in ipso est, sed circa ipsum: lauda in ipso, quod nec eripi potest, nec dari. Quod proprium hominis est, quæris, quid sit? animus & ratio in homine perfecta, rationale enim animal est homo:

mo : consumatur itaque ejus bo-  
 num, si id adimplevit, cui nascitur:  
 quid est autem, quod ab eo Ratio  
 exigit? rem facillimam : secundum  
 naturam vivere; sed hanc difficilem  
 facit communis insania : in vitia al-  
 ter alterum trudimus : quomodo  
 autem ad salutem revocari possunt,  
 quos nemo retinet? populus im-  
 pellit? Nemo ex istis, quos putpu-  
 ratos vides, felix est, non magis  
 quam ex illis, quibus Sceptrum &  
 chlamydem in scenâ fabulæ assi-  
 gnant, cum præsentem populo elati  
 incessere, & cothurnati simul exie-  
 runt, excalceantur, & ad staturam  
 suam redeunt. Nemo istorum,  
 quos divitiarum honoresque in altiore  
 fastigio ponunt, magnus est, quare  
 ergò

ergò magnu  
 illum suâ m  
 nus pumilu  
 terit : Co  
 am servabi  
 teo. Ho  
 nobis imp  
 am æstimam  
 jicimus illi  
 est : atqui  
 nis æstimat  
 alis sit, nu  
 trimonium  
 a fortunæ  
 um exuat  
 alis sit, &  
 o magnus,  
 os micantes  
 nil interest

ergò magnus videtur? cum ba-  
 si illum suâ metiris; non est ma-  
 gnus pumilus licet in monte con-  
 stiterit: Colossus magnitudinem  
 suam servabit, etiamsi steterit in  
 puteo. Hoc laboramus errore,  
 sic nobis imponitur, quod nemi-  
 nem æstimamus eo, quod est, sed  
 adjicimus illi & ea quibus adorna-  
 tus est: atqui cum voles veram ho-  
 minis æstimationem inire, & scire  
 qualis sit, nudum inspicere, ponat  
 patrimonium, ponat honores, &  
 alia fortunæ mendacia, corpus  
 ipsum exuat, animum intueri,  
 qualis sit, & quantus, alieno, an  
 suo magnus, si erectis oculis gla-  
 dios micantes videt, & si scit sua  
 nihil interesse, utrum anima per

os, an per jugulum exeat, beatum  
 voca: si cum illi denunciata sunt  
 tormenta corporis, & quæ casu ve-  
 niunt, & quæ potentioris injuriâ,  
 si vincula, & exilia, & vanas hu-  
 manarum mentium formidines se-  
 curus audit & dicit: tu hodie ista  
 denuncias, ego semper denuncia-  
 vi mihi, hominem paravi ad hu-  
 mana, præcogitati mali mollis & cæcus  
 est. Audimus aliquando voces  
 imperitorum: sciebam hoc mihi  
 testare: talis est Sapiientis animus,  
 qualis mundi status supra Lunam,  
 semper illic serenum est. Habes  
 ergò quare velis Sapiens esse, quia  
 nunquam sine gaudio est: gaudi-  
 um hoc non nascitur, nisi ex virtu-  
 tum conscientia, non potest gau-  
 dere,

ere, nisi fo  
 i temperans  
 uis, stulti a  
 on magis,  
 ones, cum  
 bidinibus, c  
 efecit, cum  
 orpori, ultr  
 estæ superar  
 lamant mise  
 remam fals  
 rem egerim  
 m non inte  
 finit, des  
 sum

dere, nisi fortis, nisi justus, nisi temperans. Quid ergo? inquis, stulti ac mali non gaudent? non magis, quàm prædam nacti leones, cum fatigarunt se vino ac libidinibus, cum illos nox inter vitia defecit, cum voluptates angusto corpori, ultra quam cupiebat, ingestæ superare cœperunt, tunc exclamant miseri: Namque ut supremam falsa inter gaudia noctem egerimus, Sapientis gaudium non interrumpitur, non desinit, desineret, si aliunde sumptum esset,

## CAPUT XXI.

*De tempore utiliter  
transigendo.*

**Q**uem mihi dabis, qui aliquod pretium tempori ponat? qui diem aestimet? qui intelligat se quotidie mori? In hoc enim fallimur, quod mortem non prospicimus. Magna pars ejus jam praeteriit, quicquid aetatis retrò est, mors tenet. Omnes horas complectere, sic fiet, ut minus ex crastino pendeas, si hodierno manum injeceris. Dum differtur vita, transcurrit: omnia aliena, tempus tantum nostrum est: Tu malo serves tua, & bene tempore uti incipias, nam ut visum est nostris majoribus:

CH  
bus: Serap  
non enim  
imo, sed p  
stis maxime  
randum est  
bus obstitas  
mnis turba  
mum argum  
capit, si ad  
trahentia ne  
tur. Ceter  
tentare anim  
ex præcepto  
tibi quoque  
nas aliquot d  
minimo cib  
ste, dicas tibi  
patur. Mile  
rit sine ullo

bus: Sera parsimonia in fundo est, non enim tantum minimum in imo, sed pessimum remanet. Festis maximè diebus animo imperandum est, ut nunc voluptatibus obsistas solus, cum in illas omnis turba procubuit. Certissimum argumentum firmitatis suæ capit, si ad blanda & in luxuriam trahentia nec spontè it, nec adducitur. Ceterum adeò mihi placet tentare animi tui firmitatem, ut ex præcepto magnorum Virorum tibi quoque præcipiam: interponas aliquot dies, quibus contentus minimo cibo, durâ ac horrida veste, dicas tibi: hoc est, quod timebatur. Miles in mediâ pace decurrit sine ullo hoste, vallum jacet, &

supervacuo labore luxatur, ut sufficere necessariò possit. Quem in re ipsa trepidare nosueris, ante rem exerceas: hoc secuti sunt, qui omnibus mensibus paupertatem imitati propè ad inopiam accesserant, ne unquam expavescerent, quod sæpè didicissent.

## CAPVT XXII.

*Iracundia vitium quomodo extirpandum.*

**N**on est magnus animus, in quem incurrit injuria. Aut potentiore, aut imbecillior læsit, si imbecillior, parce illi, si potentior, tibi. Nullum est argumentum magnitudinis certius, quàm nihil posse quo instigeris, accidere.

Pars

Pars superior mundi ac ordinatio,  
 & propinqua sideribus nec in nu-  
 bem cogitur, nec in tempestatem  
 impellitur, nec versatur in turbi-  
 nem, omni tumultu caret, inferiora  
 fulminantur: eodem modo sub-  
 limis animus quietus semper, & in  
 statione tranquillâ collocatus intra  
 se premens, quibus ira contrahitur,  
 modestus & venerabilis est, ac  
 dispositus, quorum nihil invenies  
 in irato: quis enim traditus dolo-  
 ri, ac furens non primam rejecit ve-  
 recundiam? quis impetu turbidus,  
 & in aliquem ruens non quicquid  
 in se verecundi habuit, abiecit? quis  
 linguæ imperavit? quis ullam par-  
 tem corporis tenuit? quis se rege-  
 re potuit? Optimum est, ad pri-  
 mum

mum sensum mali mederi sibi : fa-  
 cile est autem, affectus suos, cum  
 primum oriuntur, deprehendere :  
 morbum signa præcurrunt, quem-  
 admodum tempestatu ac pluvie  
 ante ipsas Notæ eveniunt, ita iræ,  
 amoris omniumque istarum pro-  
 cellarum animos vexantium sunt  
 quædam prænuncia. Non expe-  
 dit omnia videre, omnia audire :  
 multæ nos injuriæ transeunt, ex  
 quibus plerasque non accepit, qui  
 nescit. Non vis esse iracundus ?  
 ne sis curiosus. Qui inquit, quid  
 in se dictum sit, qui malignos ser-  
 mones, etiamsi secretò habiti sint,  
 evertit, seipsum inquitat : quæ-  
 dam interpretatio eò perducit, ut  
 videantur injuriæ : itaque alia dif-  
 feren-

erenda sunt  
 lonanda.  
 multis modis  
 im jocum  
 quemadmodum  
 ert, sed  
 Quis sum,  
 it? Ignovet  
 non ignosca  
 bus? garru  
 uset, famin  
 libertas, dor  
 nunc primu  
 nus, quam  
 lios offendi  
 ulimus, Am  
 oluit, inimi  
 uit: pruden  
 ori remittat

ferenda sunt, alia deridenda, alia donanda. Circumscribenda est multis modis Ira: pleraque in lusus jocumque vertantur: non quemadmodum facta sit injuria refert, sed quemadmodum lata. Quis sum, cujus aures lædi nefas sit? Ignoscere multi hostibus, ego non ignoscam pigris? negligentibus? garrulis? puerum ætas excuset, faminam sexus, extraneum libertas, domesticum familiaritas: nunc primum offendit, cogitemus, quamdiu placuerit, sæpè & alios offendit, feramus quod diu tulimus, Amicus est, fecit quod voluit, inimicus est, fecit quod debuit: prudentiori cedamus, stultiori remittamus, pro quocunque

illud respondeamus nobis, sapientissimos quosque Viros multa delinquere, neminem esse tam circumspectum, cujus non diligentia aliquando sibi ipsi excidat, neminem tam maturum, cujus non gravitatem in aliquod fervidius factum casus impingat, neminem tam timidum offensarum, qui non in illas, dum vitat, incidat, sic animo æquiore feret ab aliquo lædi, ab aliquo contemni, cuicumque venit in mentem, nullam esse tantam potentiam, in quam non incurrit injuria: multos absolvemus, si cæperimus ante judicare, quàm irasci. Maximum remedium iræ, est mora, nunc autem primum impetum sequimur: deinde quamvis vana

NOS

nos concita  
ne videamu  
quod iniqu  
ciores nos fa  
nemus enin  
quasi argum  
scendi gravi  
lius initia ip  
via sint? q  
accidere vid  
tis, idem in  
aurum col  
ad umbram  
nesque map  
quietis & st  
rerum suspic  
quidem, ut  
cent modica  
mihi, levia

nos concitaverint, perseveramus,  
 ne videamur cæpisse sine causa, &  
 quod iniquissimum est, pertina-  
 ciores nos facit iniquitas iræ, reti-  
 nemus enim illam & augemus,  
 quasi argumentum sit justè ira-  
 scendi graviter irasci: quantò me-  
 lius initia ipsa perspicere quàm le-  
 via sint? quam obnoxia? quòd  
 accidere vides in animalibus mu-  
 tis, idem in homine deprehendes:  
 taurum color rubicundus excitat,  
 ad umbram aspis exurgit, ursos leo-  
 nesque mappa proritat, idem in-  
 quietis & stolidis ingeniis evenit,  
 rerum suspitione feriuntur, adeò  
 quidem, ut interdum injurias vo-  
 cent modica beneficia. Crede  
 mihi, levia sunt propter quæ non

leviter excandescimus; qualia quæ  
 pueros in rixam & in iurgium con-  
 citant. Non temperemus Iram,  
 sed ex toto removeamus, quod  
 enim malæ rei temperamentum  
 est? poterimus autem, adnitamur  
 modò, nec ulla res magis proderit  
 quàm cogitatio mortalitatis. Sibi  
 quisque & alteri dicat: quid iuvat  
 tanquam in æternum genitas Iras  
 inducere, & brevissimam ætatem  
 dissipare? quid ruimus in pugnam?  
 quid certamina nobis accersimus?  
 Jam istas inimicitias, quas impla-  
 cabili gerimus animo, febris, aut  
 aliud malum corporis vetabit geri,  
 jam peracerrimum, mediæ mors  
 dirimet: quid tumultuamur, & vi-  
 tam seditiosi conturbamus? dum  
 respi-

espiciamus, c  
 que nos, im

Quod  
 magnor

N<sup>T</sup>Ulli po  
 N<sup>g</sup>gere, q  
 nimis cogit  
 mundo imp  
 parasse non  
 mutatio.  
 mali sit in  
 ter se vultu  
 sapius pau  
 nullâ solici  
 to est; cur  
 nemo ad

respicimus, quòd ajunt, versamur-  
que nos, immortalitas aderit.

## CAPVT XXIII.

*Quod vera paupertas  
magnorum bonorum pa-  
rens sit.*

**N**ULLI potest segura vita contin-  
gere, qui de re producendâ:  
nimis cogitat, miser est licet toti  
mundo imperet. Multas divitias  
parasse non finis miseriarum est, sed  
mutatio. Si vis scire quàm mis-  
tali sit in paupertate, compara in-  
ter se vultum divitis, & pauperis;  
sæpius pauper & fidelius ridet,  
nullâ sollicitudine concutitur, in al-  
to est; cura velut nubes transit:  
nemo ad humanum sanguinem

propter ipsum venit, nudum latro transmittit, etiam in obsessâ via pauperi pax est. Horum autem qui felices vocantur, hilaritas ficta est, hic enim gravis & sub purpurâ lucet non palam, tristitia est eò quidem gravior, quod interdum palam non licet esse miseros, sed inter ærumnas cor ipsum exedentes necesse est latere felicem. Divitiæ, honores, potentiæ, & cetera, quæ hominum opinione chara sunt, precio suo levia: quæ bona sunt, fiduciam faciunt; divitiæ audaciam, quæ bona sunt, magnitudinem animi faciunt; divitiæ insolentiam Divitem illum putas, quia aurea suppellex in via eum sequitur, quia in omnibus pro-

H CHR

rovinciis ara  
ndarii liber  
im suburba  
im omnia di  
? quia debe  
omnia, nisi f  
trum aliquis  
una mutuun  
em pertinen  
Infranti  
q  
Aurea pe  
O quant  
Imperatore  
caballo esse  
quidem!  
utroque lat  
pabant lib

*H* CHRISTIANVS. S<sup>p</sup> 85

provinciis arat, quia magnus Ca-  
lendarii liber evolvitur, quia tan-  
tùm suburbani agri possidet, &  
cùm omnia dixeris pauper est, qua-  
re? quia debet, quantum? inquis,  
Omnia, nisi fortè judices interesse,  
utrum aliquis ab homine, an à for-  
tuna mutuum sumpserit. Quid ad  
rem pertinent. -----

*Infranati ostro alipedes, pictis-  
que tapetis,*

*Aurea pectoribus demissa moni-  
lia pedent.*

O quantum erat sæculi decus,  
Imperatorem triumphalem uno  
caballo esse contentum, & ne toto  
quidem! partem ejus sarcinæ ab  
utroque latere dependentes occu-  
pabant liberi. Illo ergo sæculo  
quod

quod aureum perhibetur ; penes  
 sapientes fuisse Regnum Possido-  
 nius iudicat. Quid hominum illo  
 genere felicius ? In commune re-  
 rum Natura fruebatur, sufficiebat,  
 illa ut parens in tutelam omnium.  
 Irrupit in res optimas Avaritia,  
 dum seducere aliquid cupit, atque  
 in suum vertere, omnia fecit aliena,  
 & multa concupiscendo omnia  
 amisit. Illi, quos aliquod nemus  
 densum à Sole protexerat, qui  
 adversus sævitiam hyemis, aut im-  
 bris vili receptaculo tuti sub fronte  
 vivebant, placidas transigebant sine  
 suspirio noctes. Sollicitudo nos  
 in nostrâ purpurâ versat, & acerr-  
 mis excitat stimulis ; mollem som-  
 num illis dura tellus dabat, non  
 impen-

impendebat  
 in aperto ja  
 bebantur, &  
 noctium M  
 batur silenti  
 tam inter d  
 patebat pro  
 rimæ domu  
 ex mediâ  
 rursum ex o  
 quid ni juva  
 sparsa mira  
 tectorum f  
 picturas ve  
 fugitis atto  
 mos instan  
 ber inter a  
 bra rupis a  
 fontes rivi

impendebant cælata laquearia, sed  
in aperto jacentes sidera superla-  
bebantur, & insigne spectaculum  
noctium Mundus in præceps age-  
batur silentio tantùm opus ducens,  
tàm inter diem illis quam noctem  
patebat prospectus hujus pulcher-  
rimæ domus: libebat intueri signa  
ex mediâ Cœli parte vergentia,  
rursus ex occulto alia surgentia,  
quid ni juvaret vagari inter tàm late  
sparsa miracula? At vos ad omnem  
tektorum sonum pavetis, & inter  
picturas vestras, si quid increpuit  
fugitis attoniti: non habebant do-  
mos instar urbium: Spiritus ac li-  
ber inter aperta flatus, & levis um-  
bra rupis aut arboris, & perlucidi  
fontes rivi que non opere nec fistu-

lâ, nec ullo coacto itinere obsole-  
facti, sed ponte currentes, & pra-  
ta sine arte formosa, inter hæc  
agreste domicilium rusticâ positum  
manu. Huc ergò cogitationes  
tuæ tendant, hoc cura, hoc opta,  
ut contentus sis temetipso, &  
ex te nascentibus bonis, proji-  
ce omnia, si sapias, imò ut sapias,  
si quod est quo teneris, aut expedi  
aut incide: discedant aliquando  
ista insidiosa bona & sperantibus  
meliora quàm assecutis, si quid in  
eis esset solidi, implerent aliquan-  
do, nunc haurientium sitim con-  
citant: quantum potes circum-  
scribe corpus tuum, & animo lo-  
cum laxa. Nemo nascitur dives  
quisquis nascitur in lucem, jussus  
est

lacte, &  
his initiis  
ant: sic g  
in tanquam  
, sed tanqu  
rprore.

De vita  
a

Vivere,  
ergò p  
us, cogit  
let, sed qu  
nim, quòd  
it, ex flo  
quòd non ec  
uariat, quò  
ò nostras in

est lacte, & panno esse contentus ab his initiis nos Regna non capiunt: sic gerere nos debemus, non tanquam propter corpus vivere, sed tanquam non possimus sine corpore.

## CAPVT XXIV.

*De vita hujus miseris,  
ac erumnis.*

**V**Ivere, militare est: in omnia ergò præmittendus est animus, cogitandumque, non quid solet, sed quid potest fieri: quid est enim, quòd non fortuna, cum voluit, ex florentissimo detrahat? quòd non eò magis aggrediatur & quariat, quòd speciosius fulget? modò nostras in nos manus advocat, modò

modò suis contenta viribus invenit  
 pericula sine autore: nullum tem-  
 pus exceptum, in ipsis voluptatibus  
 causæ dolorum inveniuntur, bel-  
 lum in media pace confurgit, &  
 auxilia securitatis in metum tran-  
 seunt: ex amico inimicus, hostis  
 ex socio: in subitas tempestates  
 hybernisque majores agitur æsti-  
 va tranquillitas: sine hoste pati-  
 mur hostilia & cladis causas, si alia  
 deficiunt, nimia felicitas invenit:  
 invadit temperatissimos morbus,  
 validissimos phtisis, innocentissi-  
 mos poena, secretissimos tumultus:  
 eligit aliquid novi casus per quod  
 velut oblitis vires suas ingerit: quic-  
 quid longa series multis laboribus,  
 multa Dei indulgentia flexit, id

unus

us dies spar  
 blicè nihil  
 gitanda erg  
 as adversus  
 at, firmand  
 nia morta  
 e damnata  
 us, nemo  
 mo in cr  
 exander M  
 ere Geome  
 turus quan  
 nâ minimu  
 co infelix o  
 debebat,  
 gnomen,  
 gnus

unus dies sparsit ac dissipat : nihil publicè nihil privatim stabile est : cogitanda ergò sunt omnia, & animus adversus ea, quæ evenire possunt, firmandus. Hoc unum scio, omnia mortalium opera mortalitate damnata : inter peritura vivimus, nemo altero fragilior est, nemo in crastinum sui certior. Alexander Macedonum Rex, discere Geometriam infelix cæperat, sciturus quàm pusilla terra esset, ex quâ minimum occupaverat : ita dico infelix ob hoc quod intelligere debebat, falsum se gerere cognomen, quis enim tam magnus in pusillo esse potest?

## CAPVT XXV.

*De cæcitate eorum, qui  
vitam voluptatibus trans-  
eunt.*

**A**Ddiximus animum voluptati,  
cui indulgere initium omnium  
malorum est: tradidimus ambitio-  
ni, & formæ, cæteris æquè vanis &  
inanibus. Quid ergo nunc te hor-  
tor, ut facias? Nihil novi, nec  
enim novis malis remedia quæ-  
runtur, sed hoc primùm, ut te-  
cum ipse dispicias, quid sit neces-  
sarium, quid supervacuum. Non  
magnam rem facis, quod vivere  
sine regio apparatu potes, quòd  
non desideras miliarios apros, nec  
linguas phænicopteriorum & alia  
por-

rtenta luxu  
tidientis &  
gulis elicie  
non conte  
impanem,  
s, cum ne  
rùm, sed  
im ad rem  
at, perditur  
delectant  
marique c  
atiofa, si re  
ensam, àlia  
nguescere,  
nem cont  
im sollicit  
ntrem sub  
im fæditas  
orum volu

portenta luxuriæ jam tota animalia fastidientis & certa membra ex singulis elicientis : tunc te mirabor, si non contempseris etiam sordidum panem, si tibi persuaseris herbas, cum necesse est, non pecori tantum, sed homini nasci ; quid enim ad rem pertinet, quid accipiat, perditurus quicquid acceperit, delectant te disposita, quæ terrâ marique capiuntur ? alia ergo gratiosa, si recentia perferuntur ad mensam, alia si diu pasta & coacta pinguescere, fluunt, & vix pinguedinem continent suam : at ista, cum sollicitè scrutata & condita ventrem subierint, una atque eadem sæditas occupavit. Vis ciborum voluptatem contemnere ?

Exi-

Exitum specta. Hoc itaque ipse mihi dico, quoties tale aliquid perstrinxerint oculos meos, quoties occurrit domus splendida, cohors culta servorum, lectica formosis imposita portitoribus, quid miraris? quid stupes? Pompa est, ostenduntur istæ res, non possidentur & dum placent, transeunt. Ad veras te potius confer divitias, discite parvo esse contentus, & illam vocem magnus & animosus exclama: habeamus aquam, habeamus polentam. Edendum est, utrum hic panis sit plebejus, an similagineus, ad naturam nihil pertinet: Sitio, utrum hæc aqua sit ex lacu proximo excepta, an ea, quam multa nive clausero, ut rigore refrigeretur

etur alieno a  
 met: utrum  
 n christallim  
 bartinus ca  
 fert. Nih  
 alim, quã  
 onetur satis  
 ris Naturã.  
 quali arge  
 nisteriis &  
 enfa? nihil  
 siderat, an  
 es, content  
 felicitis luxu  
 m si ad t  
 am crinitus  
 idum zibi  
 n sitis. In  
 præstitit

retur alieno ad naturam nihil per-  
 tinet: utrum sit aureum poculum,  
 an christallinum, an vitreum, an  
 Tiburtinus calix, an concha, nihil  
 refert. Nihil ergò te monuisse  
 malim, quàm hoc, quòd nemo  
 monetur satis, quo ut omnia me-  
 tiaris Naturâ. Quæris quali men-  
 sa, quali argento, quàm paribus  
 ministeriis & levibus auferatur  
 mensa? nihil præter cibum Natura  
 desiderat, ambitiosa non est fa-  
 mes, contenta desinere est, cetera  
 infelicitis luxuriæ tormenta sunt;  
 nam si ad te pertinere iudicas,  
 quàm crinitus puer, & quàm pel-  
 lucidum tibi poculum porrigat,  
 non sitis. Inter reliqua hoc no-  
 bis præstitit Natura præcipuum,

E

quòd

quòd necessitas fastidium excussit, id actum est ab illo mundi Conditor, qui nobis vivendi jura descripsit, salvi essemus non delicati: turpe est beatam vitam in auro & argento reponere: neminem pecunia divitem fecit, imò contra, nulli non majorem sui cupiditatem incussit: post Darium & Indos pauper est Alexander Macedo, quærit quòd suum faciat, scrutatur maria ignota, in Oceanum classes mittit novas, & (ut ita dicam) claustra Mundi perumpit: quæris quæ sit hujus rei causa? Plus incipit habere posse, qui plus habet, qui multum habet, plus cupit, quòd est argumentum nondum illum satis habere, qui satis habet,

CHA

abet, conf  
nam diviti  
unquam  
, nunqua  
m: Uta  
neficio in  
, & cogit  
elius illan  
ia quicqu  
tur, sine fa

CA

Quòd h  
ne omni

Ullo n  
possum  
um ostend

habet, consecutus est (quòd nunquam divitibus contigit) finem. Nunquam parum est, quòd satis est, nunquam satis est, quòd multum: Utamur ergò hoc naturæ beneficio inter magna numeranda, & cogitemus, nullo nomine melius illam de nobis metuisse; quia quicquid ex necessitate desideratur, sine fastidio sumitur.

## CAPVT XXVI.

*Quòd homo solâ ratione omnibus creatis præset.*

**N**ullo modo magis prodesse possum, quàm si tibi bonum tuum ostendo, si te à mutis animalibus

libus separo, si cum Deo pono.  
 Quid vires corporis alis & exerces?  
 natura pecudibus, istis majores  
 concessit. Quid excolis formam?  
 cum omnia feceris, à multis anima-  
 libus decore vinceris. Quid ca-  
 pillum ingenti diligentia comis?  
 cum illum vel effuderis more Par-  
 thorum, vel Germanorum more  
 vinxeris, vel ut Scythæ solent, spar-  
 geris, in quolibet equo densior  
 lactabitur juba, horrebit in leonum  
 cervice formosior. Cum te ad  
 velocitatem paraveris, par lepus-  
 culo non eris. Vis tu relictis, in  
 quibus vinci te necesse est, dum in  
 aliena niteris, ad bonum reverti  
 tuum? quid est hoc. Animus sci-  
 licet emendatus, & purus, amula-  
 tor

or Dei, su  
 as, nihil ex  
 alis animal  
 onum est?  
 ad summ  
 quantum po  
 e: tunc t  
 um tibirga  
 am vides  
 ptant, cul  
 is, non c  
 quod velis  
 nulam dab  
 quâ perfec  
 anc habeb  
 intellig

tor Dei, super humana se extol-  
 lens, nihil extra se sui ponens ratio-  
 nalis animalis. Quod ergo vitæ  
 bonum est? Perfecta ratio, hanc  
 tu ad summum finem evoca, in  
 quantum potest, plurimum cresce-  
 re: tunc te beatum esse judica,  
 dum tibi gaudium omne nascetur:  
 cum vides quæ homines eripiunt,  
 optant, custodiunt, nihil invene-  
 ris, non dico quod malis, sed  
 quod velis. Brevem tibi for-  
 mulam dabo, quâ te metiaris,  
 quâ perfectum esse te sentias:  
 tunc habebis tuum bonum, cum  
 intelliges infelicissimos es-  
 se felices.

## CAPUT XXVII.

*De eminentiâ liberâ  
mentis Virtutibus ex-  
cultâ.*

**N**ULLA virtus latet, & latuisse non ipsius est damnum, veniet qui conditam, & Seculi sui malignitate compressam dies publicet: paucis natus est, qui populum aetatis suæ cogitat, multa annorum millia multa populorum sequentur: ad illa respice, etiam si omnibus tecum viventibus silentium livor indixerit, venient, qui sine offensâ, sine gratiâ judicent: nihil simulatio proficit, paucis imponit leviter, extrinsecus inducta facies, veri-

itas in om  
eadem el  
mus est fo  
elatus, au  
rerum, pl  
nitate mu  
re, ut be  
in illum, c  
inque sit,  
mus, ho  
ntentus,  
infrangun  
ius bonu  
si ipsi dare  
otas erit  
lo. Virtu  
cellsum &  
ligabile:  
le, imb

VII. veritas in omnem partem sui semper eadem est. Summum bonum animus est fortuita despiciens, virtute lætus, aut invicta vis animi perita rerum, placida in actu cum humanitate multâ: libet itaque definire, ut beatum dicamus hominem illum, cui nullum bonum malumque sit, nisi bonus malusque animus, honesti cultor, virtute contentus, quem non extollunt non frangunt fortuita: qui nullum majus bonum noverit eo, quod sibi ipsi dare potest: cui vera voluptas erit voluptatum contemptio. Virtus altum quiddam est excelsum & regale, invictum, infatigabile: voluptas servile, humile, imbecillum, caducum,

ejus statio fornices & popinæ: Vir-  
 tutem in templo invenies, volupta-  
 tatem latitantem sæpius ac tenebras  
 captantem circa loca ædilem metu-  
 entia, mollem, enervem, mero  
 ac unguento madentem, pallidam  
 ac fucatam & medicamentis polluta-  
 tam. Nunquam recta mens ver-  
 titur, nec sibi odio est, nec quic-  
 quam mutavit, quia semper secu-  
 ra est optima, at voluptas cum ma-  
 ximè delectat, extinguitur. Quis-  
 quis ad Virtutem accessit, dedit ge-  
 nerosæ indolis spem, qui volupta-  
 tem sequitur, videtur enervis, fra-  
 ctus, degenerans, & quo magis  
 implentur, eò magis inexplebiles  
 sunt: Ut feras cum labore pericu-  
 loque venamur, & captarum quo-  
 que

illaru  
 apè enim  
 voluptatesq  
 esque sunt  
 um servus  
 us appellat  
 virtutem ej  
 hil novi fa  
 gra lumina  
 tur diem  
 rute posita  
 c Sacrame  
 re mortali  
 e nostra por  
 no libert  
 i sumus,  
 Quare a  
 summum  
 m, virtute

que illarum sollicita possessio est, sapè enim laniant dominos, ita voluptatesque quò plures majoresque sunt, eo illo minor ac plurimum servus est, quem felicem vulgus appellat: & vos quidem, qui Virtutem ejusque cultorem odistis, nihil novi facitis, nam & Solem ægra lumina formidant, & averfantur diem splendidum; ergò in virtute posita est vera felicitas, ad hoc Sacramentum adacti sumus, *ferre mortalia, nec perturbari his, que nostra potestatis non sunt.* In regno libertas non est, in regno nati sumus, *DEO parere, libertas est.* Quare audacter licet profiteri, summum bonum esse *Concordiam*, virtutes enim ibi esse debe-

E s bunt

bunt, ubi consensus atque unitas  
 erit, discedent vitia, sed tu quoque  
 inquis, Virtutem non ob aliud co-  
 lis, quàm quia aliquam ex illâ vo-  
 luptatem speras: primum non si  
 Voluptatem præstatura est Virtus,  
 ideo propter hanc petitur, sed la-  
 bor ejus, quamvis aliud petat, hoc  
 quoque assequetur: sicut in agro,  
 quòd segete profcissum est, aliqui  
 flores internascuntur, non tamen  
 huic herbulæ, quamvis delectet  
 oculos, tantum operis insumptum  
 est, aliud fuit ferenti propositum,  
 sic voluptas non est merces  
 aut causa *Virtutis*, sed  
 accessio.

## CAPVT XXVIII.

*Avaritiâ precipitari homines in plurima flagitia.*

**N**ULLI nos vitio Natura conciliat, illa liberos ac integros genuit, nihil enim quod Avaritiam nostram irritaret, posuit in aperto, pedibus aurum & argentum calcandum, ac premendum dedit, & quicquid est propter quod calcamur ac premimur: illa vultus nostros erexit in Cœlum, & quicquid magnificentum mirumque fecerat, videri à suspicientibus voluit, hæc supra nos Natura disposuit, aurum quidem & argentum,

& propter ista nunquam pacem agens ferrum, quasi male nobis committerentur, abscondit; nos in lucem propter quæ pugnaremus, extulimus; nos & causas periculorum nostrorum & instrumenta disjecto terrarum pondere eruimus, nos fortunæ mala nostra committimus, nec erubescimus summa apud nos haberi, quæ fuerant in terrarum. Vis scire, quàm falsus oculos tuos decipit fulgor? nihil est istis, quàm diu mersa & involuta sunt ac cœno suo jacent, fædius, nihil obscurius. Quid enim quando per longissimorum cuniculorum tenebras extrahuntur? nihil est illis dum fiunt, & à face sua purgantur, informius:  
deni-

lenique ip  
quorum m  
nus & info  
debis, qu  
tur: atqui  
animos, qu  
fessore eor  
plus est for  
tibi utile, n  
rium, sub  
veniuntur  
urbibus, q  
& per aliq  
nant, qui  
attollant,  
titudinem  
machinis  
qui antè  
gis hostiu

denique ipsos opifices intueri, per  
quorum manus sterile Terræ ge-  
nus & informe perpurgatur, vi-  
debis, quanta fuligine oblinan-  
tur: atqui ista magis inquinant  
animos, quàm corpora, & inpos-  
sessore eorum, quàm in artifice  
plus est sordium. Si vis exercere  
tibi utile, nulli autem grave impe-  
rium, submove vitia. Multi in-  
veniuntur, qui ignem inferant  
urbibus, qui expugnabilia seculis,  
& per aliquot ætates tuta proster-  
nant, qui æquum arcibus aggerem  
attollant, & muros in miram al-  
titudinem adductos arboribus ac  
machinis quassent: Multi sunt,  
qui antè se agant agmina, & ter-  
gis hostium graves instent, & ad

mare magnum, perfusi cæde gentium, veniant, sed hi quoque ut vincerent hostem, cupiditate victi sunt, nemo illis venientibus obstitit, sed nec ipsi ambitioni crudelitati que resistenterunt, dum alios agere visi sunt, agebantur, ideoque cum multis tuerunt mali, pestiferam illam vim, quâ plerisque nocuerunt, ipsi quoque sentiunt. Non est, quod credas, quemquam fieri aliena in felicitate felicem.

## CAPVT XXIX.

*Quod homines magni  
ducant res viles.*

**O**Mnes quærimus non quare & unde, quid habeantur ro-  
gant.

ant. Ubique  
um habuit,  
aritia sine p  
it pœnarum  
um lacryma  
orum exigi  
atis! quam  
içe quotidiana  
pro modò  
majore tor  
detur quam  
damnis ing  
gna incidit  
at felicem  
tem vocant  
quantum il  
ergò? Tu  
esse existim  
miseriam

gant. Ubique tanti quisque quantum habuit, fuit, nulla tamen avaritia sine poena est, quamvis ipsa sit poenarum maxima, O quantum lacrymarum? O quantum dolorum exigit! quam misera desideratis! quam misera parcuritis! adijce quotidianas sollicitudines, quæ pro modò quemque discruciant: majore tormento pecunia possidetur quam quæritur; quantum damnis ingemiscunt! quæ & magna incidunt & majora, videntur: at felicem illum homines & divitem vocant, & consequi optant, quantum ille possidet! Fateor, quid ergò? Tu illos conditionis pejoris esse existimas, quam qui habet & miseriam & invidiam? Utinam,  
qui

qui divitias optaturi essent, cum divitibus deliberarent: Utinam honores petaturi cum ambiosis & summum adeptis dignitatis statum essent, profectò vota mutassent cum illi interim nova suspiciunt, cum priora damnaverint, nec enim est, cui felicitas sua, etiamsi cursu venit, satisfaciat. Abstrahunt à recto divitiarum, honores, potentia, & cetera, quæ opinione nostrâ cara sunt, precio suo vilia. Nescimus æstimare res, de quibus non cum famâ, sed cum rerum Naturâ deliberandum est, nihil habent ista magnificum, quò mentes nostras in se trahant, præter hoc, quod mirari illa consuevimus, non enim quia concupiscenda sunt laudantur,

ur, sed con  
lata sunt.

Quòd

Muz

N

Ulla fo  
Sapien  
casus aptus e  
malorum vi  
tutem si lic  
cabit, si n  
Si poterit in  
lio; si po  
minus, mil  
minus, de  
tunam acc  
morabile e

tur, sed concupiscuntur, quia laudata sunt.

## CAPVT XXX.

*Quòd Sapiens totius  
Mundi sit Dominus.*

**N**ulla fortuna, nulla res actus Sapiens excludit, ad utrosq; casus aptus est, bonorum rector est, malorum victor; sic sapiens Virtutem si licebit, in divitiis explicabit, si minùs, in paupertate: Si poterit in patriâ, si minùs, in exilio; si poteris, Imperator, si minùs, miles; si poterit integer, si minùs, debilis; quameunque fortunam acceperit, aliquid ex illâ memorabile efficiet. Certi sunt do-  
mito-

mitores ferarum, qui savissima  
 animalia, & ad occursum terrentia  
 hominem, docent pati jugum, ne  
 asperitatem excussisses contenti  
 usque in contubernium mitigant:  
 leonibus Magister manum insertat,  
 osculatur Tigrim suus custos: Ele-  
 phantem minimus & æthiops ju-  
 bet subsidere in genua, & ambu-  
 lare per funem: Sic Sapiens est ar-  
 tifex domandi mala, dolor, ege-  
 stas, ignominia, carcer, exilium ubi-  
 que horrenda cum ad hunc  
 pervenêre, mansueta  
 sunt.

*Pulchritudine animi  
corpus exornari.*

**E**RRARE mihi visus est, qui dixit:  
Gratior est pulchro veniens è  
corpore Virtus. Nullo enim ho-  
nestamento indiget, ipsa magnum  
sui decus est, & corpus suum con-  
secrat. Potest ex casa vir magnus  
exire, potest & ex humili deformi-  
que corpusculo formosus animus  
ac magnus, quosdam igitur vide-  
tur mihi in hoc, Natura, tales  
generare, ut approbet Virtutem  
omni loco nasci, ut scire possemus,  
non deformitate corporis animum  
fædari, sed pulchritudine animi  
corpus

corpus ornari. Omnis res quod non habuit decus, Virtute additâ sumit: cubiculum lucidum dicimus, hoc ipsum obscurissimum est nocte, dies illi lucem infundit nocte tenebras: sic istis, quæ à nobis media dicuntur, divitiis, formæ, honoribus, regno, & contrâ: morti, exilio, malæ valetudini, doloribus, quæque alia aut minùs, aut magis pertinuimus, malitia aut Virtus dat boni, aut mali nomen.

## CAPVT XXXII.

*Quod vana hominum  
de nobis iudicia contemnen-  
da sint.*

**C**Itò nobis placemus, si invenimus, qui nos viros bonos dicat.

cat, qui pr  
gnoscimus:  
ndatione c  
os adulation  
nquam deb  
timos nos c  
rimantibus,  
nus sæpè mu  
ulgemus no  
n id, cui c  
nè facimus.  
plis supplici  
eralissimum  
bidinibus t  
quitur itaqu  
nus, quia  
timus. A  
Indiâ vagar  
imis satis n

dicat, qui prudentes, qui sanctos,  
agnoscimus: non sumus modicâ  
laudatione contenti, quicquid in  
nos adulatio sine pudore congeffit,  
tanquam debitum prendimus: o-  
ptimos nos esse, sapientissimos af-  
firmantibus assentimur, cùm scia-  
mus sæpè multa mentiri, ad eò in-  
dulgemus nobis, ut laudari velimus  
in id, cui contraria quàm maxi-  
mè facimus: mitissimum se ille in  
ipsis suppliciis audit, in rapinis li-  
beralissimum, in ebrietatibus ac  
libidinibus temperantissimum: se-  
quitur itaque, ut ideò mutari noli-  
mus, quia nos optimos esse cre-  
dimus. Alexander cùm jam in  
Indiâ vagaretur, ut gentes in fini-  
timis satis notas, bello vastaret, in  
obfi-

obsidione cujusdam Urbis, dum  
 circumit muros, & imbecillima  
 manium quatit, sagittâ ictus diu  
 perstitit in re, & incepta agere  
 perseveravit, deinde cum represso  
 sanguine sicci vulneris dolor ex-  
 cresceret, & crus equo suspensum  
 paulatim obtorpuisset, coactus  
 abstinere: Omnes, inquit, jurant  
 me Jovis filium esse, sed vulnus hoc  
 hominem esse me clamat: idem  
 faciamus, cum pro suâ quemque  
 portione adulatio infatuat, dica-  
 mus. Vos quidem prudentem me  
 esse dicitis, ego autem video, quàm  
 multa nocitura optem, ne hoc qui-  
 dem intelligo, quod animalibus  
 farietas monstrat quis cibo, quis  
 potioni modus, quantum capiam,  
 adhuc nescio.

## CAPVT XXXIII.

*De abominando ebrietatis vitio.*

**Q**Uàm turpe est plus sibi ingerere quam capiat, & stomachi sui non nosse mensuram! quàm multa ebrii faciunt, quibus sobrii erubescunt! Nihil aliud est ebrietas, quàm voluntaria Insania: refert Alexandri Macedonis exemplum, qui Clytium carissimum ac fidelissimum inter epulas transfodit, & intellecto facinore mori voluit. Eruit omne vitium ebrietas ac detegit, obstantem malis conatibus verecundiam removet, ubi possedit animum nimia vis vini, quic-

quicquid mali latebat ; emergit ,  
 tunc petulans non linguam , non  
 manum continet , crescit insolenti  
 Superbia , crudelitas sævo , maligni-  
 tas livido ; omne vitium detegitur ,  
 & prodit ; adjice linguam ignora-  
 tione sui dubiam , & parùm expla-  
 nata verba , incertos oculos , gra-  
 dum errantem , vertiginem capi-  
 tis , recta ipsa mobilia velut aliquo  
 turbine circumagentem totam do-  
 mum , stomachi tormenta , cùm ef-  
 ferveſcit vinum ac viscera disten-  
 dit . Cogita , quas clades ediderit  
 publica ebrietas : hæc acerrimas  
 gentes bellicosasque hostibus tra-  
 didit : hæc multorum annorum  
 pertinaciâ bello defensa mania pa-  
 tefecit : hæc contumacissimos &  
 jugum

jugum recu-  
 arbitrium,  
 omuit: A  
 or pralia,  
 icia tempo  
 culatetra  
 gnoto cade  
 miserunt,  
 , & ille H  
 hus condic  
 ere multun  
 na fuerit ,  
 rati somno  
 nt , cùm  
 um furis ;  
 tute magn  
 ni capa

jugum recusantes in alienum egit  
 arbitrium, hæc invictas acies mero  
 domuit: Alexandrum tot itinera,  
 tot prælia, tot hyemes, per quas  
 victiâ temporum locorumque dif-  
 ficultate transierat, tot flumina ex  
 ignoto cadentia, tot maria tutum  
 dimiserunt, intemperantia biben-  
 di, & ille Herculeus ac fatalis Scy-  
 phus condidit. Quæ gloria est ca-  
 pere multum? cum penes te pal-  
 ma fuerit, & propinationes tuas  
 strati somno ac vomitantes recusa-  
 rint, cum superstes tot convivio-  
 rum fucris: cum omnes viceris vir-  
 tute magnifica, & nemo tam vi-  
 ni capax fuerit, vinceris  
 à dolio.

## CAPVT XXXIV.

*Animi imperio, corporis seruitio utendum.*

Sapiens ait: neminem Regem non ex servis esse oriundum, neminem non servum ex Regibus; omnia ista longa varietas miscuit, & sursum deorsumque fortuna versavit. Quis ergo generosus? ad Virtutem bene à Naturâ compositus: nunc ipse te consule, si nunquam mæstuses, nulla spes animi tui futuri expectatione sollicitat; Si per dies noctesque æqualis animi tenor erecti & placens tibi est, pervenisti ad humanam boni summam, sed si appetis Volupta-

CH  
uptates sci  
ntiâ, quan  
nter honor  
er sollicitud  
quam, ill  
ed unde sta  
quirant, ign  
is & luxuriâ  
ircumfusâ  
x amicâ, a  
eralium var  
sonantibu  
blectament  
ecipiunt, s  
tus horæ h  
mporista  
s & acclam  
ui magnâ  
ft & expia

XIV.   
 , corp   
 odum.   
 m Reg   
 undum   
 & Regib   
 as misc   
 fortuna   
 erofus   
 â compe   
 le, si n   
 a spes a   
 spectatio   
 ctes que   
 i & place   
 l human   
 ppetis V   
 lup-

luptates scito tantum tibi ex sapi-  
 entiâ, quantum ex gaudio deesse,  
 inter honores, idem gaudium in-  
 ter sollicitudines quæris: Omnes,  
 inquam, illi tendunt ad gaudium,  
 sed unde stabile magnumque ac-  
 quirant, ignorant: ille ex convi-  
 viis & luxuriâ: ille ex ambitione &  
 circumfusâ clientum turbâ, ille  
 ex amicâ, alius ex studiorum li-  
 beralium vanâ ostentatione, & ni-  
 hil sonantibus literis, omnes istos  
 oblectamenta fallacia, & brevia  
 decipiunt, sicut ebrietas, quæ u-  
 nius horæ hilarem insaniam longi  
 temporis tædio pensat, sicut plau-  
 sus & acclamationis secundæ favor,  
 qui magnâ sollicitudine & partus  
 est & expiandum. Ista, quæ sic

petis tanquam datura lætitiã a  
voluptatem, causã dolorum sunt

CAPVT XXXV.

*Profectum nostrum in  
adversitatibus crescere  
debere.*

**S**I vis beatus esse, si fide bona  
Vir bonus, sine, contemnat te  
aliquis, & te stultum alicui videri  
sine, quisquis tibi volet contu-  
meliam, faciat & injuriam, tu ta-  
men nihil patieris, si modò tecum  
erit *Virtus*. Quid miraris, si uri,  
vulnerari, occidi, aligari iuvat?  
luxurioso frugalitas pœna est, pi-  
gro, supplicii loco labor est: delica-  
tus

eus miseretur industrii, desidio-  
 studere, torqueri est: eodem mo-  
 do hæc, ad quæ omnes imbecilli-  
 sumus, dura ac intoleranda credi-  
 mus obliiti, quàm multo tormen-  
 tum sit vino carere, aut prima luce  
 excitari, non ista difficilia sunt, sed  
 nos nudi & enermes: magno ani-  
 mo de rebus magnis indicandum  
 est, alioquin videbitur illarum vi-  
 rium esse quod nostrum est: sic  
 quædam rectissima cum in aquam  
 demissa sunt, speciem curvi præ-  
 fracti que visentibus reddunt: ma-  
 gna pars est profectus, *velle pro-  
 ficere.* Properemus, ita demùm  
 vita beneficium erit, alioquin mo-  
 ra est, & quidem turpis inter fæda  
 versantibus. Id agamus, ut no-

strum omne tempus sit, non erit  
autem, nisi nos prius nostri esse  
cœperimus. Quandò contingeret  
omnibus oppressis affectibus, &  
sub arbitrium adductis hanc vocem  
emittere! Vici, quem vicerim  
quæris, Non Persas, nec extrema  
Medorum, nec si quid ultra Dacas  
bellicosum jacet. sed avaritiam, sed  
ambitionem, sed metum mortis,  
qui Victores gentium vicit.

## CAPVT XXXVI.

*Vitiosos homines hu-  
manam naturam exuere.*

**O**Mnia vitia contra Naturam  
pugnant, omnia debitum or-  
dinem deserunt: hoc est luxuriæ  
pro-

propositum  
nec tantum  
quàm longis  
to Sole jac  
vigilia medic  
multis hoc a  
qui official  
ant, nec  
reternâ g  
ppetere no  
um conditio  
a sedibus n  
rario posui  
Nosque u  
afflav  
Illis sera  
na T  
Talis h  
egio, sed v

CHRISTIANVS

propositum, gaudere perversis,  
 nec tantum discedere à rectò, sed  
 quàm longissimè abire: turpis, qui  
 alto Sole jacet semisomnis, cujus  
 vigilia medio die incipit, & adhuc  
 multis hoc antelucanum est: Sunt  
 qui officia lucis noctisque perversi-  
 tunt, nec antè diducant oculos  
 heesternâ graves crapulâ, quam  
 appetere nox cœpit, qualis illo-  
 rum conditio dicitur, quos Natura  
 sedibus nostris subditos è con-  
 trario posuit; -----

*Nosque ubi primus equis Oriens  
 afflavit anhelis,*

*Illis sera rubens accendit lumi-  
 na Titan.*

Talis horum contraria non  
 regio, sed vita est, tam infausti

homines sunt, quàm nocturnæ  
 aves, licet in vino unguentoque  
 tenebras suas exigant, licet epulis,  
 & in multa quidem pericula deco-  
 etis, totum perversum vigiliæ tem-  
 pus educant, non convivantur, sed  
 iusta sibi faciunt mortuis ante mor-  
 tem, interdiu parentant. Aves, quæ  
 conviviiis parantur, ut immotæ faci-  
 lè pinguescant, in obscuro conti-  
 nentur, ita sine ullâ exercitatione  
 jacentibus tumor pigrum corpus  
 invadit, & in Superba umbra iners  
 Sagina succrescit: at istorum cor-  
 pora, qui se tenebris dicaverunt, fæ-  
 da visuntur, quippe non speciosior  
 illis, quàm morbo pallentibus co-  
 lor est: languidi & macidi albescent,  
 & in vivis caro morticina est. Hoc  
 tamen

tamen min  
 dixerim, qu  
 animo? ille  
 Non vident  
 vivere, qui  
 nis vestem?  
 turam, qui  
 sam, fome  
 tium, & cal  
 malium H  
 munt? No  
 ram, qui p  
 bus serunt  
 domorum  
 ortis radice  
 mina egisse  
 omnia con  
 nem velle,  
 là desciscu

tamen minimum in illis malorum  
dixerim, quanto plus tenebrarum in  
animo? ille in se stupet ille caligat.  
Non videntur tibi contra Naturam  
vivere, qui commutant cum fæmi-  
nis vestem? Non vivunt contra na-  
turam, qui hyeme concupiscunt ro-  
sam, fomentoque aquarum calen-  
tium, & calore aptâ imitatione bru-  
malium florem vernum expri-  
munt? Non vivunt contra natu-  
ram, qui pomaria in summis turri-  
bus serunt: quorum Silvæ in tectis  
dorum ac fastigiis nutant? inde  
ortis radicibus quò improbè cacu-  
mina egissent? Cùm instituerunt  
omnia contra naturæ consuetudi-  
nem velle, novissimè in totum ab il-  
lâ desciscunt. Lucet somni tem-

pus, quies est, nunc exerceamur,  
 nunc gestemur, nunc prandeamus;  
 jam lux propius accedit, nunc tem-  
 pus est cœnæ, non oportet id fa-  
 cere, quod populus: res sordida  
 est, trita ac vulgari via incedere;  
 dies publicus relinquatur proprius  
 nobis: isti mihi defunctorum lo-  
 co sunt, quantulum enim à funere  
 absunt equidem acerbo, qui ad fa-  
 ces ac cereos vivunt! Causa præ-  
 cipua mihi videtur hujus morbi,  
 vitæ communis fastidium; ideò  
 tenenda nobis via est, quam natura  
 præscripsit, nec ab illà declinan-  
 dum; contra illam nitentibus non  
 alia vita est, quàm aquam  
 regimantibus.

## CAPVT XXXVII

*In quo consistat vera  
hominis felicitas.*

**S**Ummum bonum in animo  
constituamus, obsolescit si ab  
optimâ nostri parte ad pessima  
transit, & transfertur ad sensus qui  
agiliores sunt animalibus mutis  
Non est summa felicitatis nostræ in  
carne ponenda. Bona illa sunt ve-  
ra, quæ Ratio dat, solida ac sem-  
piterna, quæ cadere non possunt,  
nec decrescere quidem aut minui,  
cætera opinione sunt bona, & no-  
men quidem commune habent  
cum veris, sed proprietates in illis  
boni non est: ceterum sciamus,

SENECA

manipula nostra esse non partes, sint  
 apud nos, sed ita ut meminerimus  
 extra nos esse, etiam si apud nos sint,  
 inter subiecta & humilia numeren-  
 tur propter quæ nemo se attollere  
 debeat: quid enim stultius quam  
 aliquem eò sibi placere quod non  
 fecit? Omnia ista à nobis abscedant,  
 non hæreant, ut si abducantur sine  
 ullâ nostri laceratione discedant:  
 utamur illis parètanquam deposi-  
 tis apud nos, & abituris. Stilbo  
 capta patriâ, amissis liberis, amissa  
 uxore, cum ex incendio publico  
 solus, & beatus tamen exiret, in-  
 terroganti Demetrio nunquid per-  
 didisset? Omnia inquit, bona mea  
 mecum sunt: *Iustitia, Virtus, Tem-  
 perantia, Prudentia*, si cui, in-  
 quit,

CH

quit, bona  
 plissima, li  
 nus sit, ta  
 est, qui se  
 cat, licet m

CAP

Vitia  
 tequ

Falsa h  
 Faliter  
 est, exit è  
 quam na  
 non natu  
 conqueri  
 hoc? sine  
 superstiti

CHRISTIANVS

quit, bona sua non videt  
plissima, licet totius Mundi do  
nus sit, tamen miser est. Miser  
est, qui se non beatissimum judi-  
cat, licet mundo imperet.

CAPVT XXXVIII.

*Vitia seriò tollenda an-  
tequam mors obruat.*

**F**alsa hæc est sententia; Nemo  
aliter, quàm quomodo natus  
est, exit è vità: peiores morimur,  
quam nascimur: nostrum istud  
non naturæ vitium est, illa de nobis  
conqueri potest & dicere: quid est  
hoc? sine perfidiâ, sine timore, sine  
superstitione, ceterisque pestibus

SENECA

... di: quales intraſtis, tales  
 ... te. Percepit Sapientiam, ſi quis  
 tam ſecurus moritur, quàm naſci-  
 tur, nunc verò trepidamus cùm pe-  
 riculum acceſſit, non animus no-  
 bis, non color conſtat, lacrymæ ni-  
 hil profuturæ cadunt. Quid eſt  
 turpius, quam in ipſo limine ſecuri-  
 tatis eſſe ſollicitum! cauſa autem  
 hæc eſt, quòd inanes omnium bo-  
 norum ſumus, vitæ deſiderio la-  
 boramus: nemo quàm bene vi-  
 vat, ſed quàm diu curat, cum o-  
 ranibus poſſit contingere, ut bene  
 vivant, ut diu, nulli. Male vivunt,  
 qui ſemper vivere incipiunt, quia  
 ſemper illis imperfecta vita, non  
 poteſt autem ſtare paratus ad mor-  
 tem, qui non incipit vivere; id  
 agen-

CA

agendum  
 Quidam v  
 deſinendu  
 rum, adji  
 reris: o  
 fieri

SOLI

*CHRISTIANVS*

agendum est, ut fatis vixerimus.  
Quidam vivere tunc incipiunt, cum  
desinendum est, si hoc iudicas mi-  
rum, adjiciam quòd magis admi-  
reris: quidam antè vivere de-  
sierunt, quàm incipe-  
rent.

SOLI DEO GLORIA.

SYL-

SYLLABUS  
CAPITUM.

- |       |  |        |
|-------|--|--------|
| I.    | <i>De ferventi emendatione totius<br/>vite nostre.</i> | fol. 8 |
| II.   | <i>De amore solitudinis &amp; silen-<br/>tii.</i>      | 9      |
| III.  | <i>De meditatione mortis.</i>                          | 12     |
| IV.   | <i>De utilitate adversitatis.</i>                      | 14     |
| V.    | <i>Contra vanam &amp; sacularem<br/>scientiam.</i>     | 19     |
| VI.   | <i>De cognitione sui.</i>                              | 23     |
| VII.  | <i>De examine Conscientia<br/>quotidiano.</i>          | 25     |
| VIII. | <i>De inordinatis affectioni-<br/>bus superandis.</i>  | 27     |
|       | <i>IX. Quo-</i>  |        |

Quomo  
confer  
De conf  
seria  
I. De fa  
appet  
end  
II. De ab  
XIII. De  
caele  
XIV. De  
fs.  
XV. De b  
XVI. De d  
dini  
stus  
XVII. De  
in p  
fs.

## INDEX.

- IX. *Quomodo pax cum omni  
conservanda sit.* 31
- X. *De consideratione humana mi-  
serie.* 32
- XI. *De familiaritate bonorum  
appetendâ, malorum fugi-  
endâ.* 35
- XII. *De abnegatione sui.* 41
- XIII. *De contemplatione rerum  
caelestium.* 43
- XIV. *De Constantiâ in adver-  
sis.* 46
- XV. *De brevitâte vite.* 49
- XVI. *De desiderio eterna beatitu-  
dinis, & hujus vite angu-  
stis.* 53
- XVII. *De indifferentiâ animi tam  
in prosperis, quàm adver-  
sis.* 59
- XVIII. *De*

INDEX.

- XVIII. De non attrahendo sibi  
 res exteriores. 62  
 XIX. De pace internâ acquiren-  
 da. 63  
 XX. Virtus sola in hac vita bea-  
 tum reddit. 66  
 XXI. De Tempore, utiliter transi-  
 gendo. 74  
 XXII. Iracundie vitium quomo-  
 do extirpandum. 76  
 XXIII. Quòd vera paupertas  
 magnorum bonorum pa-  
 rens sit. 83  
 XXIV. De vita hujus miseris, ac  
 erumnis. 89  
 XXV. De cœcitate eorum, qui vi-  
 tam voluptatibus transe-  
 unt. 92  
 XXVI.

XXVI. Q  
 mn  
 XXVII. D  
 iss  
 XXVIII.  
 hor  
 it  
 XXIX.  
 ca  
 XXX. Q  
 di  
 XXXI. 2  
 pa  
 XXXII.  
 no  
 d  
 XXXIII.  
 ta

INDEX.

- XXVI. Quòd homo solâ ratione  
 omnibus creatis præster. 97
- XXVII. De eminentiâ libera men-  
 tis virtutibus excolta. 100
- XXVIII. Avaritiâ præcipitari  
 homines in plurima flagi-  
 tia. 105
- XXIX. Quòd homines magni du-  
 cant res viles. 108
- XXX. Quòd Sapiens totius Mun-  
 di sit Dominus. 111
- XXXI. Pulchritudine animi cor-  
 pus exornari. 113
- XXXII. Quòd vana hominum de  
 nobis iudicia contemnen-  
 da sint. 114
- XXXIII. De abominando Ebrie-  
 tatis vitio. 117
- XXXIV.

INDEX.

- XXXIV. *Animi imperio, corporis  
servitio utendum.* 120
- XXXV. *Profectum nostrum in ad-  
versitatibus crescere.* 122
- XXXVI. *Vitiosos homines huma-  
nam naturam exuere.* 124
- XXXVII. *In quo vera hominis fe-  
licitas consistat.* 129
- XXXVIII. *Vitia serio tollenda an-  
tequam mors obruat.* 132



Ma Pana  
Alerowicza  
Jozefa z Altema  
dymu kwity bierz  
Lolasa do Nieporze  
ta na iednego  
Konia gajowego  
grozy 14 napary  
grozy 24

*[Faint, illegible handwritten text, possibly bleed-through from the reverse side of the page.]*

Biblioteka Jagiellońska



stdr0027456



